



孟東野詩集序

武康代產文士。惟沈約孟東野。詩以名家。余謂永明接江左舊耳。元和集三變大成焉。步武不出江南。東野交游北方名士。二家詩體。固應是抑德以形言。言以驗德而止。以詩觀詩。何哉。晉陶淵明詩。爲晉宋大家數。然宋永初以後。每有著述。不繫紀年。而書甲子。發乎情。根諸性也。約仕宋。齊。宋。元之末。探西邸密意。詔書出懷中。夙備無遺缺。然則

平時用工覓句。豈其性情哉。視行唵溪曲。泊無宦情。奪俸不運。一寒到死。不隨逐酒壚餅肆間媚匪人者。其言德定何如也。今保有孟保。并有孟井。人亡物改。竹幽水深。過之清風爽然。使人脫洒於世味之外。余始來爲令。急符牒卒晝夜至。余懼夫言政而不及化。懷賢訪古。與邑之士相與論文。則趣尚風流。有苦學如正曜者。因與共評其詩。用宋公敏求本錢諸梓。且併論沈孟言德大概。使尚友者

觀焉。

景定壬戌天台國材成德序



和韓昌黎贈詩

有序

國成德宰武康。鉸孟東野詩。立其祠。余家舊藏東野像。書來借臨。其尚友與俗異矣。予因讀昌黎贈先生篇。追和其韻。併臨其像。奉送之武康。瞭然徹眸子。可以觀人心。僊儒固當懼。清揚照于今。旣見東野像。又聞東野音。其音何琅琅。笙磬簫瑟琴。欲招世人聽。大音忽已沉。問我何所聞。冥默中細尋。初嘗訝苦硬。久味極雄森。昌黎維宗伯。誰



能齒諸任。尊之繼李杜。先生亦披襟。寸莛撞洪鐘。  
下拜肯低簪。城南鬪鷄作。珠琳列差參。劒戟相櫻  
拂。壘塹互登侵。割鑿龍門呀。兀撐大華嶽。麤細無  
可揀。如入夸父林。巨壑百川會。大雲四野陰。今人  
何所見。嗽噴沸蜩禽。摺撫螻蛄間。短策欲深臨。坡  
翁素雅謔。偶作嘲生吟。獨愛銅斗歌。儂音帶江南。  
斯言戲之耳。定價如良金。杜老嘲淵明。夫豈誠弗  
欽。謂能潤飾韓。魯直豈向歆。本師非翁敵。坻嶼視

高岑。雖然曰郊島。郊島有淺深。吾友武康宰。作事  
爲世箴。立祠警溷濁。刊詩正哇淫。樂石覆大屋。關  
防作練砧。

景定壬戌九月望日閩風舒岳祥書



孟東野詩集序

東野詩。世傳。汴吳鏤本五卷。一百二十四篇。周安  
惠本十卷。三百三十一篇。別本五卷。三百四十篇。  
蜀人蹇濬用退之贈郊句纂成池集二卷。一百八  
十篇。自餘不爲編秩。雜錄之。家家自異。今總括遺  
逸。摘去重複。若體制不類者。得五百一十一篇。釐  
別樂府。感送。詠懷。游適。居處。行役。紀贈。懷寄。酬答。  
送別。詠物。雜題。哀傷。聯句。十四種。又以讚書二系。

于後合十卷。嗣有所得。當次第益諸十聯句。見昌黎集章章於時。此不著云。  
集賢校理常山宋敏求序

貞曜先生墓誌銘

唐元和九年。歲在甲午。八月己亥。貞曜先生孟氏卒。無子。其配鄭氏以告愈。走位哭。且召張籍會哭。明日。使以錢如東都供葬事。諸嘗與往來者。咸來哭弔。韓氏遂以書告興元尹。故相餘慶。閏月。樊宗師使來弔。告葬期。徵銘。愈哭曰。嗚呼。吾忍銘吾友也。夫興元人以幣如孟氏賻。且來商家事。樊子使來速銘。曰。不則無以掩諸幽。乃序而銘之。先生諱



郊。字東野。父廷玠。娶裴氏女。而選爲崑山尉。生先生。及二季。艷郢而卒。先生生六七年。端序則見。長而愈騫。涵而揉之。內外完好。色夷氣清。可畏而親。及其爲詩。劇目鉢心。刃迎縷解。鉤章棘句。指擢胃腎。神施鬼設。間見層出。唯其大翫於詞。而與世抹。撥人皆劫劫。我獨有餘。有以後時開先生者曰。吾旣擠而與之矣。其猶足存邪。年幾五十。始以尊夫人之命。來集京師。從進士試。旣得卽去。間四年。又

命來選。爲溧陽尉。迎侍溧上。去尉二年。而故相鄭公尹河南。奏爲水陸運從事。試協律郎。親拜其母於門內。母卒五年。而鄭公以節領興元軍。奏爲其軍叅謀。試大理評事。挈其妻行之。興元。次於閬鄉。暴疾卒。年六十四。買棺以斂。以二人輿歸。艷郢皆在江南。十月庚申。樊子合凡贈賻而葬之。洛陽東。其先人墓左。以餘財附其家而供祀。將葬。張籍曰。先生揭德振華。於古有光。賢者故事有易名。況士



哉。如曰貞曜先生。則姓名字行有載。不待講說而明。皆曰然。遂用之。初先生所與俱學同姓簡於世。次爲叔父。由給事中觀察浙東。曰。生吾不能舉。死吾知恤其家。銘曰。

於戲貞曜。維執不猗。維出不訾。維卒不施。以昌其詩。

南陽韓愈

孟東野目錄卷一

樂府上

列女操

灞上輕薄行

長安羈旅行

長安道

送遠吟

古薄命妾



古離別

古樂府雜怨三首

靜女吟

歸信吟

山老吟

遊子吟

小隱吟

苦寒吟

猛將行

傷哉行

古怨

湘絃怨

楚竹吟酬盧虔端公見和湘絃怨

遠愁曲

貧女詞寄從叔先輩簡

邊城吟

新平歌送許問

殺氣不在邊

結愛

絃歌行

覆巢行

出門行二首

湘妃怨

巫山曲

巫山高

楚怨

塘下行

臨池曲

車遥遥

征婦怨四首

空城雀

閑怨



羽林行

古意

古別離

遊俠行

黃雀吟

有所思

求仙曲

嬋娟篇


南浦篇

清東曲





國家圖書館. NATIONAL CENTRAL LIBRARY. TAIWAN, R.O.C.



孟東野詩集卷一

附廬陵劉辰翁評

唐 武康孟郊 撰

宋 天台國材 評

樂府上

列女操

梧桐相待老。鴛鴦會雙死。貞婦貴狗夫。捨生亦如此。波濤誓不起。妾心井中水。

井水無波語  
思竭竭

灞上輕薄行



國家圖書館 NATIONAL CENTRAL LIBRARY, TAIWAN, R.O.C.



客中寔語

雖有所本翻  
案自佳

長安無緩步。况值天景暮。相逢灞澗間。親戚不相顧。自嘆方拙身。忽隨輕薄倫。常恐失所避。化爲車轍塵。此中生白髮。疾走亦未歇。一作不得歇

長安羈旅行

十日一理髮。每梳飛旅塵。三旬九過飲。每食唯舊貧。萬物皆及時。獨余不覺春。失名誰肯訪。得意爭相親。直木有恬翼。靜流無躁鱗。始知喧競場。莫處君子身。野策藤竹輕。山蔬薇蕨新。潛歌歸去來。事

外風景真。

長安道

胡風激秦樹。賤子風中泣。家家朱門開。得見不可入。長安十二衢。投樹鳥亦急。高閣何人家。笙簧正喧吸。

送遠吟

河水昏復晨。河邊相送頻。離盃有淚飲。別柳無枝春。一笑忽然歛。萬愁俄已新。東波與西日。不惜遠

俊甚然若

喧吸亦凄



行人。

古薄命妾

不惜十指絃。為君千萬彈。常恐新聲至。一作使我坐使故聲一作曲

殘。棄置今日悲。即是昨日歡。將新變故易。持故為

新難。青山有蘼蕪。淚葉長不乾。空令後代人。採掇

幽思攢。一作思幽蘭

古離別

松山雲繚繞。萍路水分離。雲去有歸日。水分無合

役案隸隸字  
妙

時。春芳役雙眼。春色柔四肢。楊柳織別愁。千條萬  
條絲。

古樂府雜怨三首

憶人莫至悲。至悲空自衰。寄人莫翦衣。翦衣未必

歸。朝為雙蒂花。暮為四散飛。花落却遶樹。遊子不

顧期。

天桃花清晨。遊女紅粉新。天桃花薄暮。遊女紅粉

故。樹有百年花。人無一定顏。花送人老盡。人悲花

斥若之奇



自閒。

貧女鏡不明。寒花日少容。暗蛩有虛織。短線無長縫。浪水不可照。狂夫不可從。浪水多散影。狂夫多異蹤。持此一生薄。空成萬恨濃。一作百

靜女吟

艷女皆妬色。靜女獨檢蹤。任禮耻任粧。嫁德不嫁容。君子易求聘。小人難自從。此志誰與諒。琴絃幽韻重。

歸信吟

淚墨灑爲書。將寄萬里親。書去魂亦去。兀然空一身。

山老吟

不行山下地。唯種山上田。腰斧斫旅松。手瓢汲家泉。詎知文字力。莫記日月遷。蟠木爲我身。始得全天年。

遊子吟

劉云全是托興終之悠然不言之感。後非現曉寒泉之比。千古之下猶不忘談詩之尤不朽者。



游子思家作  
古易思親作  
古雜此直似  
琴操是摹古  
大手

慈○母○手○中○線○遊○子○身○上○衣○臨○行○密○密○縫○意○恐○遲○遲○  
歸○誰○言○寸○草○心○報○得○三○春○暉○

### 小隱吟

我○飲○不○在○醉○我○歡○長○寂○然○酌○溪○四○五○盞○聽○彈○兩○三○  
絃○鍊○性○靜○棲○白○洗○情○深○寄○玄○號○怒○路○傍○子○貪○敗○不○  
貪○全○

### 苦寒吟

天○色○寒○青○蒼○北○風○叫○枯○桑○厚○冰○無○裂○文○短○日○有○冷○

吟苦寒遂覺  
寒甚

光○敲○石○不○得○火○壯○陰○正○奪○陽○調○苦○竟○何○言○凍○吟○成○  
此○章○

### 猛將吟

擬○膾○樓○蘭○肉○蓄○怒○時○未○揚○秋○鼙○無○退○聲○夜○劍○不○隱○  
光○虎○隊○手○驅○出○豹○篇○心○卷○藏○古○今○皆○有○言○猛○將○出○  
北○方○

### 傷哉行

衆○毒○蔓○貞○松○一○枝○難○久○榮○豈○知○黃○庭○客○仙○骨○生○不○

起得猛

國家圖書館, NATIONAL CENTRAL LIBRARY, TAIWAN, R.O.C.



成春色捨芳蕙。秋風遶枯莖。彈琴不成曲。始覺知音傾。館月改舊照。弔賓寫餘情。還舟空江上。波浪送銘旌。

古怨

試妾與君淚。兩處滴池水。看取芙蓉花。今年爲誰死。

怨絕千古慘  
入肌骨

湘絃怨

昧者理芳草。蒿蘭同一鋤。一作育狂飈怒秋林。一作怨曲直同一

枯。嘉木忌深蠹。哲人悲巧誣。靈均入迴流。靳尚爲良謨。我願分衆泉。清濁各異渠。我願分衆巢。梟鸞相遠居。此志諒難保。此情竟何如。湘絃少知音。孤響空踟躕。

楚竹吟酬盧虔端公見和湘絃怨

握中有新聲。楚竹人未聞。識音者謂誰。一作聽清夜吹贈君。昔爲瀟湘引。曾動瀟湘雲。一叫鳳改聰。再驚鶴失羣。江花匪秋落。山日當晝曛。衆濁響雜沓。孤清

意不款玉石  
混其造語使  
似入絃之音

澹而有味



思氛氲。欲知怨有形。一作者願向明月分。一掬靈均淚。千  
年湘水文。

### 遠愁曲

飄飄何所從。遺塚行未逢。東西不見人。一作泣哭向青青  
松。此地有時盡。此哀無處容。聲翻太白雲。淚洗藍  
田峰。水涉七八曲。一作石山登千萬重。願邀玄夜月。一作靈出視  
白日蹤。

### 貧女詞寄從叔先輩簡

作貧蠶女非不勤。今年獨無春。二月冰雪深。死盡萬木  
身。時令自逆行。造化豈不仁。仰企碧雲仙。高控滄  
海雲。永別勞苦塲。飄飄遊無垠。

### 邊城吟

西城近日天。一作水俗稟氣候偏。行子獨自渴。一作后主人仍賣  
泉。燒峰碧雲外。牧馬青坡巔。何處鶻突夢。歸思寄  
仰眠。

### 新平歌送許問



邊柳三四尺。一作莫秀暮春離別歌。早迴儒士駕。暮飲土番河。一作誰誰識匣中寶。楚雲章句多。

殺氣不在邊

殺氣不在邊。凜然中國秋。道險不在山。平地有摧。輒。河南又起兵。清濁俱鎖流。豈唯私客艱。擁滯官行舟。况余隔晨昏。去家成阻修。忽然兩鬢雪。同是一日愁。獨寢夜難曉。起視星漢浮。涼風蕩天地。日夕聲颼颼。萬物無少色。兆人皆老憂。長策苟未立。

悲壯

丈夫誠可羞。靈響復何事。劍鳴思戮讐。

結愛

心心復心心。結愛務在深。一度欲離別。千迴結衣襟。結妾獨守志。結君早歸意。始知結衣裳。不如結心腸。坐結行亦結。結盡百年月。

絃歌行

驅儼擊鼓吹長笛。瘦鬼染面惟齒白。暗中翠翠拽茅鞭。保足朱禪行戚戚。相顧笑聲衝庭燎。桃弧射

峭突  
妙、纏綿之  
極

此絃歌似即  
皇龍雜時位  
歌



矢時獨叫。

覆巢行

荒城古木枝多枯。飛禽嗷嗷朝哺雛。枝傾巢覆雛  
墜地。烏鳶下啄更相呼。陽和發生均孕育。烏獸有  
情知不足。枝危巢小風雨多。未容長成已先覆。靈  
枝珍木滿上林。鳳巢阿閣重且深。爾今所托非本  
地。烏鳶何得同爾心。

出門行二首

長河悠悠去無極。百齡同此可歎息。秋風白露沾  
人衣。壯心凋落奪顏色。少年出門將訴誰。川無梁  
兮路無岐。一聞陌上苦寒奏。使我佇立驚且悲。君  
今得意厭梁肉。豈復念我貧賤時。

海風蕭蕭天雨霜。窮愁獨坐夜何長。驅車舊憶太  
行險。始知遊子悲故鄉。美人相思隔天闕。長望雲  
端不可越。手持琅玕欲有贈。愛而不見心斷絕。南  
山峩峩白石爛。碧海之波浩漫漫。參辰出沒不相

愚有所托

意俱淺  
六不識



待我欲橫天無羽翰。

湘妃怨

一作湘靈祠

南巡竟不返。二妃怨逾積。萬里喪蛾眉。瀟湘水空碧。冥冥荒山下。古廟收貞魄。喬木深青春。清光滿瑤席。牽芳徒有薦。靈意殊脈脈。玉珮不可親。徘徊煙波夕。

巫山曲

巴江上峽重復重。陽臺碧峭十二峰。荆王獵時逢

題甚

雲雨夜臥高丘夢。神女輕紅流煙濕。艷姿行雲飛去。明星稀。目極魂斷望不見。猿啼三聲淚滴衣。

巫山高

見盡數萬里。不聞三聲猿。但飛蕭蕭雨。中有亭亭冤。千載楚襄恨。遺文宋玉言。至今晴明天。雲結深

閨門。

楚怨

秋入楚江水。獨照汨羅魂。手把綠荷泣。意愁珠淚

本賦神女大  
似見詩  
不如書真裡

是詞詩怨不  
合  
劉云不苦死  
形容自滑大  
意

國家圖書館 NATIONAL CENTRAL LIBRARY TAIWAN, R.O.C.



翻九門不可入。一犬吠千門。

塘下行

塘邊日欲斜。年少早還家。徒將白羽扇。調妾木蘭花。不是城頭樹。那箇來去鴉。

猶言非靖花  
露草之意

臨池曲

池中春蒲葉如帶。紫菱成角蓮子大。羅裙蟬鬢寄迎風。雙雙伯勞飛向東。

車遥遥

便遙、有萬  
里之勢

路喜到江盡。江上又通舟。舟車兩無阻。何處不得遊。丈夫四方志。女子安可留。郎自別日言。無令生遠愁。旅鴈忽叫月。斷猿寒啼秋。此夕夢君夢。君在百城樓。寄淚無因波。寄恨無因輶。願爲馭者手。與郎迴馬頭。

征婦怨四首

良人昨日去。明月又不圓。別時各有淚。零落青樓前。

忽八月不圓  
便是怨意



纏綿之極

乃思逼古

君○淚○濡○羅○巾○。妾○淚○滿○路○塵○。羅○巾○長○在○手○。今○得○隨○妾○  
身○路○塵○如○得○風○。得○上○君○車○輪○。  
漁○陽○千○里○道○。近○如○中○門○限○。中○門○踰○有○時○。漁○陽○長○在○  
眼○。  
生○在○綠○羅○下○。一作絲不○識○漁○陽○道○。良○人○自○戍○來○。夜○夜○夢○中○  
到○。

空城雀

一雀入官倉。所食寧損幾。祇慮往覆頻。官倉終害

似畏福思避

爾○魚○網○不○在○天○。烏○羅○不○張○水○。飲○啄○要○自○然○。可○以○空○  
城○裏○。

閑怨

妾○恨○比○斑○竹○。下○盤○煩○冤○根○。有○筍○未○出○土○。中○已○含○淚○  
痕○。

羽林竹

朔○雪○寒○斷○指○。朔○風○勁○裂○冰○。胡○中○射○鵬○者○。此○日○猶○不○  
能○。翩○翩○羽○林○兒○。錦○臂○飛○蒼○鷹○。揮○鞭○快○白○馬○。走○出○黃○

六巧六苦  
劉云悽迥

寫得健俊



河凌。

古意

河邊織女星。河畔牽牛郎。未得渡清淺。相對遙相望。

了不異人意  
何以作此

古別離

欲別牽郎衣。郎今到何處。不恨歸來遲。莫向臨邛去。

音調古雅之  
甚

遊俠行

造語別

既殺人不回  
頭又說劍開

壯士性剛決。火中見石裂。殺人不迴頭。輕生如翦別。豈知眼有淚。肯白頭上髮。一作平半生無恩酬。劍開一百月。

黃雀吟

黃雀舞承塵。倚恃主人仁。主人忽不仁。買彈彈爾身。何不遠飛去。蓬蒿正繁新。蒿粒無人爭。食之足為珍。莫覩翻車粟。覩翻罪有因。黃雀不知言。贈之徒慙慙。

似有所指



壯甚誰言其  
寒

有所思

桔。槔。烽。火。晝。不。滅。客。路。迢。迢。信。難。越。古。鎮。刀。攢。萬。  
片。霜。寒。江。浪。起。千。堆。雪。此。時。西。去。定。如。何。空。使。南。  
心。遠。淒。切。

求仙曲

仙。教。生。為。門。仙。宗。靜。為。根。持。心。若。妄。求。服。食。安。足。  
論。鏗。惑。有。靈。藥。餌。真。成。本。源。自。當。出。塵。網。馭。鳳。登。  
崑。崙。

嬋娟篇

花。嬋。娟。泛。春。泉。竹。嬋。娟。籠。曉。煙。妓。嬋。娟。不。長。妍。月。  
嬋。娟。真。可。憐。夜。半。姮。娥。朝。太。乙。人。門。本。自。無。靈。匹。  
漢。宮。承。寵。不。多。時。飛。燕。媿。好。相。妬。嫉。

南浦篇

南。浦。桃。花。亞。水。紅。水。邊。柳。絮。由。春。風。鳥。鳴。啾。啾。煙。  
濛。濛。自。從。遠。送。對。悲。翁。此。翁。已。與。少。年。別。唯。意。深。  
山。深。谷。中。



清東曲

櫻桃花參差。香雨紅霏霏。含笑競攀折。美人濕羅衣。采采清東曲。明眸艷珪玉。青巾編上郎。上下看不足。南陽公首詞。編入新樂錄。

孟東野詩集卷一終



孟東野目錄卷二

樂府下

織女辭

古意

折楊柳二首

和丁助教塞上吟

古怨別

古別曲



樂府戲贈陸大夫十二文三首

戲答

勸善吟

望夫石

寒江吟

感興上

審交

怨別

百憂

路病

衰松

遣興

退居

臥病

隱士

獨愁



春日有感

將見故人

傷時

寓言

偶作

勸學

贈農人

長安早春

罪松

感興

感懷八首

達士

暮秋感思二首

古典

勸友

夷門雪贈主人



堯歌二首

孟東野詩集卷二

唐 武康孟郊 撰  
宋 天台國材 評

樂府下

織女辭

夫是田中郎。妾是田中女。當年嫁得君。爲君秉機杼。筋力日已疲。不息牕下機。如何織紵素。自着褱縷衣。官家榜村路。更索我桑樹。

耕夫並會織  
女並衣千石  
同恨始于大  
東結更悽健

國家圖書館, NATIONAL CENTRAL LIBRARY, TAIWAN, R.O.C.



古意

蕩子守邊戍。佳人莫相從。去來年月多。苦愁改形容。上山復下山。踏草成古蹤。徒言採薜蘿。十度一不逢。鑒獨是明月。識志唯寒松。井桃始開花。一見悲萬重。人顏不再春。桃色有再濃。捐氣入空房。無聊乍從容。啟貼理針線。非獨學裁縫。手持未染綵。繡爲白芙蓉。芙蓉無染汚。將以表心素。欲寄未歸人。當春無信去。無信反增愁。愁心緣隴頭。願君如

巧思如生

隴水冰鏡水還流。宛宛青絲線。纖纖白玉鈎。玉鈎不虧缺。青絲無斷絕。迴還勝雙手。解盡心中結。

折楊柳二首

楊柳多短枝。短枝多別離。贈遠屢攀折。柔枝安得垂。青春有定節。離別無定時。但恐人別促。不怨來遲遲。莫言短枝條。中有長相思。朱顏與綠楊。併在別離期。

樓上春風過。風前楊柳歌。枝疎綠別苦。曲怨爲年



多。花驚燕地雲。葉映楚池波。誰堪別離此。征戍在  
交河。

和丁助教塞上吟

哭雪復吟雪。廣文丁夫子。江南萬里寒。曾未及如  
此。整頓氣候誰。言從生靈始。無令惻隱者。哀哀不  
能已。

古怨別

颼颼秋風生。愁人怨離別。含情兩相向。欲語氣先

平

咽。心曲千萬端。悲來却難說。別後唯所思。天涯共  
明月。

古別曲

山川古今路。縱橫無斷絕。來往天地間。人皆有離  
別。行衣未束帶。中腸已先結。不用看鏡中。自知生  
白髮。欲陳去留意。聲向言前咽。愁結填心胸。茫茫  
若爲說。荒郊煙莽蒼。曠野風淒切。處處得相隨。人  
那不如月。

劉云語難如  
此極是苦思



樂府戲贈陸大夫十二文三首

蓮子不可得。荷花生水中。猶勝道傍柳。一作時無事蕩春風。

淥萍與荷葉。同此一水中。風吹荷葉在。淥萍西復東。

蓮葉未開時。苦心終日卷。一作風春水徒蕩漾。荷花未開展。

戲答陸長源

芙蓉初出水。齒蒼露中花。風吹着枯木。無奈值空槎。

勸善吟

醉會中贈郭行餘

瘦部有志氣。相哀老龍鍾。勸我少吟詩。俗窄難爾容。一口百味別。况在醉會中。四座正當喧。片言何由通。顧余昧時調。居止多疎慵。見書眼始開。聞樂耳不聰。視聽互相隔。一身且莫同。天疾難自醫。詩癖將何攻。見君如見書。語善千萬重。自悲咄咄感。

三言蓮豈即指蓮而有語戲耶

戲即以蓮何也



壯語

變作煩惱翁。一作不可欺古劍煩惱不可欺。古劍澀亦雄。知君方少年。少年懷古風。藏書挂屋脊。不借與凡聾。我願拜少年。師之學崇崇。從他笑爲矯。矯善亦可宗。

望夫石

望夫石。夫不來。今江水碧。行人悠悠朝與暮。千年萬年色如故。

寒江吟

冬至日光白。始知陰氣凝。寒江波浪凍。千里無平。

慣作寒語

古

初吟寒江忽入感世

冰飛鳥絕高羽。行人皆晏興。荻洲素浩渺。碕岸斯。破礮。煙舟忽自阻。風帆不相乘。何況異形體。信任爲股肱。涉江莫涉淩。得意須得朋。結交非賢良。誰免生愛憎。凍水有再浪。失飛有載騰。一言縱醜詞。萬響無善應。取鑒諒不遠。江水千萬層。何當春風吹。利涉吾道弘。

感興上

審交



止起二語奇  
妙以下常語  
在之

種樹須擇地。惡土變木根。結交若失人。中道生謫言。君子芳桂性。一作濃寒春榮冬更繁。小人槿花心。朝在夕不存。莫躡冬冰堅。中有潛浪翻。唯當金石交。可以賢達論。

怨別

一別一迴老。志士白髮早。在富易為容。居貧難自好。沉憂損性靈。服藥亦枯槁。秋風遊子衣。落日行遠道。君問去何之。賤身難自保。

劉云便極頓  
挫殆不可復  
得  
又云公道遠  
有味  
又云古意沉  
著甚有餘情

百憂

萱草女兒花。不解壯士憂。壯士心是劍。為君射斗牛。朝思除國讐。暮思除國讐。計盡山河畫。意窮草木籌。智士日千慮。愚夫唯四愁。何必在波濤。然後一作生驚沉浮。伯倫心不醉。四皓迹難留。出處各有時。眾議徒啾啾。

新詩

伯倫和已

路病

病客無主人。艱哉求臥難。飛光赤道路。內火焦肺



肝欲飲井泉竭。欲醫囊用單。稚顏能幾日。壯志忽已殘。人子不言苦。歸書但云安。愁環在我腸。宛轉終無端。

衰松

近世交道衰。青松落顏色。人心忌孤直。木性隨改易。既摧棲日榦。未展擎天力。終是君子材。還思君子識。

遣興

絃貞五條音。一作五音調松直百尺心。貞絃含古風。直松凌高岑。浮聲與狂葩。胡為欲相侵。

退居

一作老退

退身何所食。敗力不能閑。種稻耕白水。負薪斫青山。眾聽喜巴唱。獨醒愁楚顏。日暮靜歸時。幽幽扣松關。

臥病

一作教醫監後

貧病誠可羞。故床無新裘。春色燒肌膚。時食苦咽



便是人子不  
言苦  
喉倦寢意蒙昧。強言聲幽柔。承顏自俛仰。有淚不敢流。默默寸心中。朝愁續暮愁。

### 隱士

本末一相返。漂浮不還真。山野多餒士。市井無饑人。虎豹忌當道。麋鹿知藏身。奈何貪競者。日與患害親。顏貌歲歲改。利心朝朝新。孰知富生禍。取富不取貧。寶玉忌出璞。出璞先爲塵。松柏忌出山。出山先爲薪。君子隱石壁。道書爲我隣。寢興思其義。

澹泊味始真。陶公自放歸。尚平去有依。草木擇地生。禽鳥順性飛。青青與冥冥。所保各不違。

### 獨愁

前日遠別離。昨日生白髮。欲知萬里情。曉臥半床月。常恐百蟲鳴。使我芳艸歇。

### 春日有感

雨滴草芽出。一日長一日。風吹柳線垂。一枝連一枝。獨有愁人顏。經春如等閑。且持酒滿盃。狂歌狂



笑來。

將見故人

故人季夏中。及此百餘日。無日不相思。明鏡改形  
色。寧知仲冬時。忽有相逢期。振衣起躑躅。頰鯉躍  
天池。

傷時

嘗聞貧賤士之常。草木富者莫相笑。男兒得路卽  
榮名。邂逅失途成不調。古人結交而重義。今人結

而字五嫩

直說極話

既知非有字  
何必道破世

交而重利。勸人一種種。桃李種亦直須遍天地。一  
生不愛囑人事。囑卽直須爲生死。我亦不羨季倫  
富。我亦不笑原憲貧。有財有勢卽相識。無財無勢  
同路人。因知世事皆如此。却向東溪臥白雲。

寓言

誰言碧山曲。不廢青松直。誰言濁水泥。不污明月  
色。我有松月心。俗騁風霜力。貞明旣如此。摧折安  
可得。



偶作

利劍不可近。美人不可親。利劍近傷手。美人近傷身。道險不在廣。十步能摧輪。情憂不在多。一夕能傷神。

勸學

擊石乃有火。不擊元無煙。人學始知道。不學非自然。萬事須已運。他得非我賢。青春須早爲。豈能長少年。

贈農人

勸爾勤耕田。盈爾倉中粟。勸爾伐桑株。減爾身上服。清霜一委地。萬草色不綠。狂飈一入林。萬葉不着木。青春如不耕。何以自結束。

長安早春

旭日朱樓光。東風不驚塵。公子醉未起。美人爭探春。探春不爲桑。探春不爲麥。日日出西園。祇望花柳色。乃知田家春。不入五侯宅。

春色可觀

發露氣蒸不待画出

詩語有傷有



罪松

雖爲青松姿。霜風何所宜。二月天下樹。綠於青松枝。勿謂賢者喻。勿謂愚者規。伊呂代封爵。夷齊終身饑。彼曲旣在斯。我正實在茲。涇流合渭流。清濁各自持。天令設四時。榮衰有常期。榮合隨時榮。衰合隨時衰。天令旣不從。甚不敬天時。松乃不臣木。青青獨何爲。

感興

玄論何奇似  
有兩妬

拔心草不死。去根柳亦榮。獨有失意人。恍然無力行。昔爲連理枝。今爲斷絃聲。連理時所重。斷絃今所輕。吾欲進孤舟。三峽水不平。吾欲載車馬。太行路崢嶸。萬物根一氣。如何互相傾。

感懷八首

秋氣悲萬物。驚風振長道。登高有所思。寒雨傷百草。平生有親愛。零落不相保。五情今已傷。安得自能老。

秋詩傷亂大



晨登洛陽坂。日極天茫茫。羣物歸大化。六龍頽西荒。  
豺狼日已多。草木日已霜。饑年無遺粟。衆鳥去空場。  
路傍誰家子。白首離故鄉。含酸望松柏。仰面訴穹蒼。  
去去勿復道。苦饒形貌傷。

徘徊不能寐。耿耿含酸辛。中夜登高樓。憶我舊星辰。  
辰四時互遷移。萬物何時春。唯憶首陽路。永謝當時人。

長安佳麗地。宮月生蛾眉。陰氣凝萬里。坐看芳草

衰。玉堂有玄鳥。亦以從此辭。傷哉志士嘆。故國多遲遲。  
深宮豈無樂。擾擾復何爲。朝見名與利。暮還生是非。  
一作是是非非姜牙佐周武。世業永巍巍。

舉才天道親。首陽誰採薇。去去荒澤遠。落日當西歸。  
羲和駐其輪。四海借餘暉。極目何蕭條。驚風正離披。  
鷓鴣鳴高樹。衆鳥相因依。東方有一士。歲暮常苦饑。  
主人數相問。呱呱今何爲。貧賤亦有樂。且願掩柴扉。



火雲流素月。三五何明明。光曜侵白日。賢愚迷至精。四時更變化。天道有虧盈。常恐今已沒。須臾還復生。

河梁暮相遇。草草不復言。漢家正離亂。王粲別荆蠻。野澤何蕭條。悲風振空山。舉頭是星辰。念我何時還。親愛久別散。形神各離遷。未爲死生訣。長在心目間。

有鳥東西來。哀鳴過我前。願飛浮雲外。飲啄見青

天。

達士

四時如逝水。百川皆東波。青春去不還。白髮鑷更多。達人識元氣。變愁爲高歌。傾產取一醉。富者奈貧何。君看土中宅。富貴無偏頗。

暮秋感思二首

西風吹垂楊。條條脆如藕。上有噪日蟬。催人成皓首。亦恐旅步難。何獨朱顏醜。欲慰一時心。莫如千

宜言貧富無  
偏頗身不宜  
專言富貴

孟東野語



日酒。

優哉遵渚鴻。自得養身旨。不啄太倉粟。不飲方塘水。振羽擾浮雲。且羅任徒爾。

古興

楚血未乾衣。荆虹尚埋輝。痛玉不痛身。抱璞求所歸。

勸友

至白涅不緇。至交淡不疑。人生靜躁殊。莫厭相箴

文  
太對語六

規。膠漆武可接。金蘭文可思。堪嗟無心人。不如松栢枝。

夷門雪贈主人

是贈陸長源陸有谷詩

夷門貧士空吟雪。夷門豪士皆飲酒。酒聲歡閑入雪銷。雪聲激切悲枯朽。悲歡不同歸去來。萬里春風動江柳。

堯歌二首

一作舜歌。前為賞鄭氏莊客去婦後為題逸

爾室何不安。爾孝無與齊。一言應對姑。一度爲出



妻。往轍才晚鐘。還轍及晨雞。往還跡徒新。狼戾竟  
獨迷。娥女無禮數。污家如糞泥。父母吞聲哭。禽鳥  
亦爲啼。如何天與惡。不得和鳴栖。

山色挽心肝。將歸盡日看。村肩籃輦子。野坐白髮  
官。鶯美方短短。花明碎攢攢。瑠璃堆可掬。琴瑟饒  
多歡。翠韻仙窈窕。嵐漪出無端。養館洞庭秋。響答  
虛吹彈。

孟東野詩集卷二

終





孟東野目錄卷三

感興下

亂離

勸酒

去婦

君子勿鬱鬱士有謗毀者作詩以贈之二首

聞砧

遊子



自歎

求友

投所知

病客吟

感懷

離思

結交

傷春

擇友

夜憂

惜苦

寒地百姓吟

出東門

教坊歌兒

訪疾

酒德



冬日

飢雪吟

偷詩

晚雪吟

自惜

老恨

詠懷上

湖州取解述情

落第

詠情

病起言懷

秋夕貧居述懷

夜感自遣

再下第

下第東歸留別長安知己

失意歸吳因寄東臺劉復侍御



下第東南行

歎命

遠遊

商州客舍

長安旅情

長安羈旅

渭上思歸

登科後

初於洛中選

乙酉歲舍弟扶持歸興義莊居後獨正舍待  
替人

西齋養病夜懷多感因呈上從叔子雲



孟東野詩集卷三

唐 武康孟郊 撰  
宋 天台國材 評

感興下

亂離

天下無義劍。中原多瘡痍。哀哀陸大夫。正直神反  
欺。子路已成血。嵇康今尚嗤。爲君每一慟。如劍在  
四肢。折羽不復飛。逝水不復歸。直松摧高柯。弱蔓



將何依。朝爲春日懽。夕爲秋日悲。淚下無尺寸。紛  
紛天雨絲。積怨成疾疢。積恨成狂癡。怨草豈有邊。  
恨水豈有涯。怨恨馳我心。茫茫日何之。

### 勸酒

白日無定影。清江無定波。人無百年壽。百年復如  
何。堂上陳美酒。堂下列清歌。勸君金曲卮。勿謂朱  
顏酡。松柏歲歲茂。丘陵日日多。君看終南山。千古  
青峩峩。

劉云起得似  
苦曲折又極  
豪暢善道人  
意

### 去婦

君心匣中鏡。一破不復全。妾心藕中絲。雖斷猶牽  
連。安知御輪士。今日翻迴轅。一女事一夫。安可再  
移天。君聽去鶴言。哀哀七絲絃。

君子勿鬱鬱。士有謗毀者。作詩以贈之。二首

君子勿鬱鬱。聽我青蠅歌。人間少平地。森聳山嶽  
多。折軸不在道。覆舟不在河。須知一尺水。日夜增  
高波。叔孫毀仲尼。臧倉掩孟軻。蘭艾不同香。自然

本色語

慣作爾許語



難爲和。良玉燒不熱。直竹文不頗。自古皆如此。其  
如道在何。

日往復不見。秋堂暮仍學。玄髮不知白。曉入寒銅  
覺。爲林未離樹。有玉猶在璞。誰把碧梧枝。刻作雲  
門樂。

聞砧

杜鵑聲不哀。斷猿啼不切。月下誰家砧。一聲腸一  
絕。杵聲不爲客。客聞髮自白。杵聲不爲衣。欲令遊

與心有意。寫  
得自別

子歸

遊子

萱艸生堂堦。遊子行天涯。慈親倚堂門。不見萱艸  
花。

自歎

愁與髮相形。一愁白數莖。有髮能幾多。禁愁日日  
生。古若不置兵。天下無戰爭。古若不置名。道路無  
歌傾。太行聳巍峩。是天產不平。黃河奔濁浪。是天

愈謂念子故  
忘花然只是  
倚門而望不  
足沒詠

便似說話不  
甚成詩



生不清。四蹄日日多。雙輪日日成。二物不在天。安能免營營。

### 求友

北風臨大海。堅冰臨河面。下有波瀾。對之無由見。求友須在良。得良終相善。求友若非良。非良中道變。欲知求友心。先把黃金鍊。

### 投所知

苦心知苦節。不容一毛髮。鍊金索堅貞。洗玉求明

孟東野意

潔。自慙所業微。功用如鳩拙。何殊嫫母顏。對彼寒塘月。君存古人心。道出古人轍。盡美固可揚。片善亦不遏。朝向公卿說。暮向公卿說。誰謂黃鐘管。化為君子舌。一說清嶰竹。二說變嶰谷。三說四說時。寒花折寒木。曄曄家道路。燦燦我衣服。豈直輝友朋。亦用慰骨肉。一暖荷疋素。一飽荷升粟。而况大恩恩。此身報得足。且將食蘖勞。酬之作金刀。

### 病客吟



兒女態太甚  
未免寒在

主人夜呻吟。皆入妻子心。遠客晝呻吟。徒爲蟲鳥音。妻子手中病。愁思不復深。僮僕手中病。憂危獨難任。丈夫久漂泊。神氣自然沉。况於滯疾中。何人免嗷嗷。大海亦有涯。高山亦有岑。一作此沉憂獨無極。塵淚欲盈襟。一作豆

### 感懷

孟冬陰氣交。兩河正屯兵。煙塵相馳突。烽火日夜驚。太行險阻高。輓粟輸連營。奈何操弧者。不使梟

巢傾。猶聞漢北兒。怙亂謀縱橫。擅搖干戈柄。呼呌豺狼聲。白日臨爾軀。胡爲喪丹誠。豈無感激士。以致天下平。登高望寒原。黃雲鬱崢嶸。坐馳悲風暮。歎息空沾纓。

### 離思

不寐亦不語。片月秋稍舉。孤鴻憶霜羣。獨鶴叫雲侶。怨彼浮花心。飄飄無定所。高張繫綵帆。遠過梅根渚。迴織別離字。機聲有酸楚。

後語



結交

鑄鏡須青銅。青銅易磨拭。結交遠小人。小人難姑  
息。鑄鏡圖鑑微。結交圖相依。凡銅不可照。小人多  
是非。

傷春

兩河春艸海水清。十年征戰城郭腥。亂兵殺兒將  
女去。二月三月花冥冥。千里無人旋風起。鶯啼燕  
語荒城裏。春色不揀墓傍枝。紅顏皓色逐春去。春

結詩右

去春來那得知。今人看花古人墓。令人惆悵山頭  
路。

擇友

獸中有人性。形異遭人隔。人中有獸心。幾人能真  
識。古人形似獸。皆有大聖德。今人表似人。獸心安  
可測。雖笑未必和。雖哭未必戚。面結口頭交。肚裏  
生荆棘。好人常直道。不順世間逆。惡人巧諂多。非  
義苟且得。若是做真人。堅心如鐵石。不諂亦不欺。

便是人而獸  
心獸面人心  
二語併出用  
許

太近道理



不奢復不溺。面無恹色容。心無詐憂惕。君子大道人。朝夕恒的的。

### 夜憂

豈獨科斗死。聽嗟文字捐。蒿蔓轉驕王。菱荇減嬋娟。未遂擺鱗志。空思吹浪旋。何當再霖雨。洗濯生華鮮。

### 惜苦

于鵠值諫議。以毬不能官。焦蒙值舍人。以盃不得

完。可惜大雅旨。意此小團樂。名迴不敢辨。心轉寔是難。不惜爲君轉。轉非君子觀。轉之復轉之。強轉誰能歡。哀哉虛轉言。不可窮波瀾。

### 寒地百姓吟

爲鄭相其年居河南畿內百姓大蒙矜卹

無火炙地眠。半夜皆立號。冷箭何處來。棘針風騷勞。作發霜吹破四壁。苦痛不可逃。高堂槌鐘飲。到曉聞烹炮。寒者願爲蛾。燒死彼華膏。華膏隔仙羅。虛達千萬遭。到頭落地死。踏地爲遊遨。遊遨者是誰。君

可傷



子爲鬱陶。

出東門

餓馬骨亦聳。獨驅出東門。少年一日程。衰叟十日  
奔。寒景不我爲。疾走落平原。眇默荒草行。恐懼夜  
魄翻。一生自組織。千首大雅言。道路如抽蠶。宛轉  
羈腸繁。

自負乃爾

教坊歌兒

十歲小小兒。能歌得聞天。一作朝六十孤老人。能詩獨臨

恨甚即東方  
侏儒之意

川。去年西京寺。衆伶集講筵。能嘶竹枝詩。供養繩  
床禪。能詩不如歌。悵望三百篇。

訪疾

冷氣入瘡痛。夜來痛如何。瘡從公怒生。豈以私恨  
多。公怒亦非道。怒消乃天和。古有煥輝句。嵇康閑  
婆娑。請君吟嘯之。正氣庶不訛。

訪疾遂饋以  
藥

酒德

酒是古明鏡。輾開小人心。醉見異舉止。醉聞異聲

奇瓶賓之初  
筵酒未盡



音。酒。功。如。此。多。酒。屈。亦。以。深。罪。人。免。罪。酒。如。此。可。爲。箴。

冬日

老人行人事。百一不及周。凍馬四蹄吃。陟卓難自收。短景仄飛過。午光不上頭。少壯日與輝。衰老日與愁。日愁疑在日。歲箭迸如讎。萬事有何味。一生虛自囚。不知文字利。到死空遨遊。

饑雪吟

饑烏夜相啄。瘡聲互悲鳴。冰腸一直刀。天殺無曲情。大雪壓梧桐。折柴墮崢嶸。安知鸞鳳巢。不與梟鳶傾。下有幸災兒。拾遺多新爭。但求彼失所。但誇此經營。君子亦拾遺。拾遺非拾名。將補鸞鳳巢。免與梟鳶并。因爲饑雪吟。至曉竟不平。

偷詩

餓犬齧枯骨。自喫饑饑涎。今文與古文。各各稱可憐。亦如嬰兒食。錫挑口旋旋。唯有一點味。豈見逃

苦甚無味

有所指

不解題意詩  
意三暗



景延。繩床獨坐翁。默覽有所傳。終當罷文字。別著  
逍遙篇。從來文字淨。君子不以賢。

晚雪吟

貧富喜雪晴。出門意皆饒。鏡海見纖悉。冰天步飄  
飄。一一仙子行。家家塵聲銷。小兒擊玉指。大耋歌  
聖朝。睿氣流不盡。瑞仙何曼寥。始知望幸色。終疑  
異禮招。市井亦清潔。閭閻聳嵒峩。蒼生願東顧。翠  
華仍西遙。天念豈薄厚。宸衷多憂焦。憂焦致太平。

以茲時比堯。古耳有未通。新詞有潛韶。甘爲酒伶  
擯。坐恥歌女嬌。選音不易言。裁正逢今朝。今朝前  
古文。律異同一調。願於堯瑄中。奏盡鬱抑謠。

自惜

傾盡眼中力。抄詩過與人。自悲風雅老。恐被巴竹  
嗔。零落雪文字。分明鏡精神。坐甘冰抱晚。永謝酒  
懷春。徒有言言舊。慙無默默新。始驚儒教誤。漸與  
佛乘親。



可憐

### 老恨

無子抄文字。老吟多飄零。有時吐向床。枕席不解聽。鬪蟻甚微細。病聞亦清冷。小大不自識。自然天性靈。

### 詠懷上

#### 湖州取解述情

雪水徒清深。照影不照心。白鶴未輕舉。衆鳥爭浮沉。因茲挂帆去。遂作歸山吟。

### 落第

曉月難爲光。愁人難爲腸。誰言春物榮。一作獨見花上霜豈見葉上

霜。鷓鴣失勢病。鷓鴣假翼翔。一作改棄置復棄置。情如刀

刃傷。

### 詠情

一作感寓

濁水心易傾。明波興初發。思逢海底人。乞取蚌中月。此興若未諧。此心終不歇。

### 病起言懷

劉云世上若  
詩秋索畧盡



即是約畧程  
公署門語

劉云創體

皆然

太苦何至於  
此他年一日  
看過榮枯失  
之偏重

劉云怨痛復  
不可堪

一作淨  
強行尋溪水。洗却殘病姿。花景晚晚盡。麥風清冷  
吹。交道賤來見。世情貧去知。高閒思楚逸。澹泊厭  
齊兒。終伴碧山侶。結言青桂枝。

秋夕貧居述懷

臥冷無遠夢。聽秋酸別情。高枝低枝風。千葉萬葉  
聲。淺水不供飲。瘦田長廢耕。今交非古交。貧語聞  
皆輕。

夜感自遣

一作失志夜坐思歸又作苦學吟

夜學曉未休。苦吟神鬼愁。如何不自開。心與身為  
讎。死辱片時痛。生辱長年羞。清桂無直枝。碧江思  
舊遊。

再下第

一夕九起嗟。夢短不到家。兩度長安陌。空將淚見  
花。

下第東歸留別長安知己

共照日月影。獨為愁思人。一作聽鶉等聞豈知鶉鳩鳴。瑤艸不得



春一片兩片雲。千里萬里身。雲歸嵩之陽。身寄江  
之濱。棄置復何道。楚情吟白蘋。

失意歸吳因寄東臺劉復侍御

自念西上身。忽隨東歸風。長安日下影。又落江湖  
中。離婁豈不明。子野豈不聰。至寶非眼別。至音非  
耳通。因緘俗外詞。仰寄高天鴻。

下第東南行

越風東南清。楚日瀟湘明。試逐伯鸞去。還作靈均

自贊不聽  
結句不  
其初已

行。江籬伴我泣。海月驚人驚。失意容貌改。畏途性  
命輕。時聞喪侶猿。一叫千愁并。

歎命

三十年來命。唯藏一卦中。題詩還怨易。問易蒙復  
蒙。本望文字達。今因文字窮。影孤別離月。衣破道  
路風。歸去不自息。耕耘成楚農。

遠遊

慈烏不遠飛。孝子念先歸。而我獨何事。四時心有

文人同恨



違。江海戀空積。波濤信來稀。長爲路傍食。着盡家中衣。一作烈別劍不割物。離人難作威。遠行少僮僕。驅使無是非。爲性玩好盡。積愁心緒微。始知時節駛。一作夏愛日非長輝。

### 商州客舍

商山風雪壯。遊子衣裳單。四望失道路。百憂攢肺肝。日短覺易老。夜長知至寒。淚流瀟湘絃。調苦屈宋彈。識聲今所易。識意古所難。聲意今詎辨。高明

感詠詩中此  
意良多

鑒其端。

### 長安旅情

說盡青雲路。有足皆可至。我馬亦四蹄。出門似無地。玉京十二樓。峩峩倚青翠。下有千朱門。何門薦孤士。

### 長安羈旅

聽樂別離中。聲聲入幽腸。曉淚滴楚瑟。夜鬼遶吳鄉。幾迴羈旅情。夢覺殘燭光。



渭上思歸

獨訪千里信。迴臨千里河。一作佳家在吳楚鄉。淚寄東南一作流波。

登科後

昔日齷齪不足誇。今朝放蕩思無涯。春風得意馬蹄疾。一日看盡長安花。

初於洛中選

塵土日易沒。驅馳力無餘。青雲不我與。白首方選

失意處牢騷  
幽憤過甚得  
意後便爾驕  
釋放蕩何語  
未免寒態

得意亦有限

書。宦途事非遠。拙者取自疎。終然戀皇邑。誓以結  
吾廬。帝城富高門。京路遶勝居。碧水走龍狀。蜿蜒  
遶庭除。尋常異方客。過此亦踟蹰。

乙酉歲舍弟扶持歸義興莊居後獨止舍待  
替人

誰言舊居止。主人忽成客。僮僕強與言。相懼終  
胍。出亦何所求。入亦何所索。飲食迷精麤。衣裳失  
寬窄。迴風卷閒簾。新月生空壁。士有百役身。官無

妙語自造



一姓宅。丈夫恥自飾。衰髯從颯白。蘭交早已謝。榆景從相迫。惟予心中鏡。不語光歷歷。

西齋養病夜懷多感因呈上從叔子雲

遠客夜衣薄。厭眠待雞鳴。一牀空月色。四壁秋蛩聲。守淡遺衆俗。養疴念餘生。方全君子拙。恥學小人明。蚊蚋亦有時。羽毛各有成。如何騏驥跡。蹉跎未能行。西北有平路。運來無相輕。

孟東野詩集卷三

終



孟東野目錄卷四

詠懷下

秋懷十五首

靖安寄居

雪

春愁

懊惱

遊適上



遊城南韓氏莊

與二三友秋宵會話清上人院

夜集

招文士飲

陪侍御叔遊城南山墅

登華嚴寺樓望終南山贈校書兄弟

遊終南山

遊終南龍池寺

南陽公請東櫻桃亭子春讌

遊華山雲臺觀

喜與長文上人宿李秀才小山池亭

邀花伴

石淙十首

遊韋七洞庭別業

越中山水

春集越州皇秀才山亭



和皇甫判官遊琅琊溪

孟東野詩集卷四

詠懷下

秋懷十五首

孤骨夜難臥。吟蟲相唧唧。老泣無涕洟。一作淚秋露爲滴  
瀝。去壯暫如翦。來衰紛似織。觸緒無新心。叢悲有  
餘憶。詎忍逐南帆。江山踐往昔。

唐 武康孟郊 撰

宋 天台國材 評



練字多刻苦

秋月顏色冰。老客志氣單。冷露滴夢破。峭風梳骨寒。席上印病文。腸中轉愁盤。疑懷無所憑。虛聽多無端。梧桐枯崢嶸。聲響如哀彈。

一尺月透戶。乞粟如劒飛。老骨坐亦驚。病力所尚

微。蟲苦貪剪色。鳥危巢焚輝。孀娥理故絲。孤哭抽

餘思。浮年不可追。衰步多夕歸。

秋至老更貧。破屋無門扉。一片月落牀。四壁風入衣。疎夢不復遠。弱心良易歸。商葩將去綠。繚繞爭

劉云精語

餘輝。野步踏事少。病謀向物違。幽幽草根蟲。生意與我微。

竹風相戛語。幽閨暗中間。鬼神滿衰聽。恍惚難自分。商葉隨乾雨。秋衣臥單雲。病骨可剗物。酸呻亦

成文。瘦攢如此枯。壯落隨西曛。裊裊一線命。徒言繫網緼。

老骨懼秋月。秋月刀劒稜。纖輝不可干。冷覓坐自凝。羈鷗巢空鏡。仙飈蕩浮冰。驚步恐自翻。病大不

酸呻瘦損出語出造



敢凌單牀寤皎皎。瘦臥心兢兢。洗河不見水。透濁  
爲清澄。詩壯昔空說。詩衰今何憑。

老病多異慮。朝夕非一心。商蟲哭衰運。繁響不可  
尋。秋草瘦如髮。貞芳綴疎金。晚鮮詎幾時。馳景還  
易陰。弱習徒自恥。暮知欲何任。露才一見讒。潛智  
早已深。防深不防露。此意古所箴。

歲暮景氣乾。秋風兵甲聲。織織勞無衣。嚶嚶徒自  
鳴。商聲聳中夜。寒支廢前行。青髮如秋園。一翦不

秋語之最優

復生。少年如餓花。瞥見不復明。君子山嶽定。小人  
絲毫爭。多爭多無壽。天道戒其盈。

冷露多瘁索。枯風曉吹噓。秋深月清苦。蟲老聲麤  
疎。頰珠枝纍纍。芳金蔓舒舒。草木亦趣時。寒榮似  
春餘。自悲零落生。與我心何如。

老人朝夕異。生死每日中。坐隨一啜安。臥與萬景  
空。視短不到門。聽澀詎逐風。還如刻削形。免有織  
悉聰。浪浪謝初始。皎皎幸歸終。孤隔文章友。親密



蒿萊翁。歲綠閔以黃。秋節迸一作又已窮。四時既相迫。萬慮自然叢。南逸浩淼際。北貧磽礪中。曩懷沉遙江。衰思結秋蓬。鋤食難滿腹。葉衣多醜躬。塵縷不自整。古吟將誰通。幽竹嘯鬼神。楚鐵生虬龍。志士多異感。運鬱由邪衷。常思書破衣。至死教初童。習樂莫習聲。習聲多頑聾。明明胸中言。願寫為高崇。幽苦日日甚。老力步步微。常恐暫下牀。至門不復歸。饑者重一食。寒者重一衣。泛廣豈無淚。恣行亦

一作隨時有隨語中失次第。身外生瘡痍。桂蠹既潛污。一作朽桂花損貞姿。詈言一失香。千古聞臭詞。將死始前悔。前悔不可追。哀哉輕薄行。終日與駟馳。一作駟驅

流運閃欲盡。枯折皆相號。棘枝風哭酸。桐葉霜顏高。老蟲乾鐵鳴。驚獸孤玉咆。商氣洗聲瘦。晚陰驅景勞。集耳不可遏。噎神不可逃。蹇行散餘鬱。幽坐誰與曹。抽壯無一線。剪懷盈千刀。一作詩清既各却清詩既名眺。金菊亦姓陶。收拾昔所棄。咨嗟今比毛。幽幽歲晏言



零落不可操。

霜氣入病骨。老人身生冰。衰毛暗相刺。冷痛不可

勝。鷺鷥神至明。強強攬所憑。瘦坐形欲折。腹饑心

將崩。勸藥左右愚。言語如見憎。澤燕神氣開始知

功用能。一作者日中視餘瘡。暗鑱聞繩蠅。一作細彼齠一何酷。此

味半點凝。潛毒爾無厭。餘生我堪矜。凍飛幸不遠。

冬令反心懲。出沒各有時。寒熱苦相凌。一作莫仰謝調運

翁。請命願有徵。

疑上集耳  
是尋耳

忍古失古語  
意旨造

詩

黃河倒上天。衆水有却來。人心不及水。一直去不

迴。一直亦有巧。不肯至蓬萊。一直不知疲。唯聞至

省臺。忍古不失古。失古志易摧。失古劒亦折。失古

琴亦哀。夫子失古淚。當時落漼漼。詩老失古心。至

今寒皚皚。古骨無濁肉。古衣無蘚苔。勸君勉忍古。

忍古銷塵埃。

詈言不見血。殺人何紛紛。聲如窮家犬。吠竇何閭

閭。詈痛幽鬼哭。詈侵黃金貧。言詞豈用多。憔悴在



何其憤

一聞古詈舌不死。至今書云云。今人詠古書。善惡宜自分。秦火不燹舌。秦火空燹文。所以詈更生。至今橫網罟。

靖安寄居

寄靜不寄華。愛茲巒嶠居。渴飲濁清泉。饑食無名蔬。作菜敗菜不敢火。補衣一寫書。古云儉成德。今乃寔起予。顛叟顛不足。賢人賢有餘。役生皆促促。心竟誰舒舒。萬馬踏風衢。衆塵隨奔車。高賓盡不見。大

作葉是敗菜  
何以火邪

道夜方虛。臥有洞庭夢。坐無長安儲。英髦空駭耳。煙火獨微如。厚念恐傷性。薄田憶親鋤。承世不出力。冬竹肯抽菹。外物莫相誘。約心誓從初。碧芳既似水。日日咏歸歟。

雪

忽然太行雪。昨夜飛入來。峻嶒墮庭中。巖白何皚皚。奴婢曉開戶。四肢凍徘徊。咽言詞不成。告訴情狀摧。官給未入門。家人盡以灰。意勸莫笑雪。笑雪



貧爲災。將暖此殘疾。典賣爭致盃。教令再舉手。誇  
曜餘生才。強起吐巧詞。委曲多新裁。爲爾作非夫。  
忍恥轟暘雷。書之與君子。庶免生嫌猜。

### 春愁

春物與愁客。遇時各有違。故花辭新枝。新淚落故  
衣。日暮兩寂寞。飄然亦同歸。

### 懊惱

惡詩皆得官。好詩空抱山。抱山冷矻矻。終日悲顏

甚愁甚古甚  
是本色

何不子也然  
六太露

顏好詩更相嫉。劍戟生牙關。前賢死已久。猶在咀  
嚼間。以我殘抄身。清峭養高閑。求閑未得閑。衆謂  
瞋虤虤。

### 遊適上

#### 遊城南韓氏莊

初疑瀟湘水。鑱在朱門中。一作有時池底山。時見水底月。搖動池上  
風。清氣潤竹木。白光連虛空。浪簇霄漢羽。岸芳金  
碧叢。何言數畝間。環泛路不窮。一作常慕願逐神仙侶。一作遊茲飄然



汗漫通。

與二三友秋宵會話清上人院

何處山不幽。此中情又別。一僧敲一磬。七子吟秋月。激石泉韻清。寄枝風嘯咽。冷然諸境靜。頓覺浮累滅。扣寂兼探真。通霄詎能輟。

夜集

好鳥無襍棲。華堂有嘉攜。琴樽互傾奏。歌賦相和諧。但嘉魚水合。莫令雲雨乖。一爲鷓鴣彈。再鼓壯

士懷。初景待誰曉。新春逐君來。願言良友會。高駕不知迴。

招文士飲

曹劉不免死。誰敢負年華。文士莫辭酒。詩人命屬花。退之如放逐。李白自矜夸。萬古忽將似。一朝同嘆嗟。何言天道正。獨使地形斜。南士愁多病。北人悲去家。梅芳句嫩微異古體已流管。柳色未藏鴟。相勸罷吟雪。相從愁飲霞。醒時不可過。愁海浩無涯。



造語

### 陪侍御叔遊城南山墅

夜坐擁腫亭。晝登崔巍岑。日窺萬峰首。月見雙泉心。松風清耳目。竹氛碧衣襟。佇想琅玕字。數聽枯槁吟。

### 登華嚴寺樓望終南山贈林校書兄弟

地脊亞為崖。聳出冥冥中。樓根插迥雲。殿翼翔危空。前山貽元氣。靈異生不窮。勢吞萬象高。秀奪五嶽雄。一望俗慮醒。再登仙願崇。青蓮三居士。晝景

真賞同。

### 遊終南山

南山塞天地。日月石上生。高峰夜留景。太白峯西黃昏後見餘深谷晝未明。山中人自正。路險心亦平。長風驅松柏。聲拂萬壑清。到此悔讀書。朝朝近浮名。

### 遊終南龍池寺

飛鳥不到處。僧房終南巔。龍在水長碧。雨開山更鮮。步出白日上。坐依清溪邊。地寒松桂短。石險道一作

插得自別與  
摩詰各有其  
至  
劉云未知其  
下云何即此  
其出有不容  
至  
又云警異

似律  
二語又似集  
陽律



登  
路偏晚磬送歸客。數聲落遙天。

南陽公請東櫻桃亭子春讌

萬木皆未秀。一株先含春。此地獨何力。我公布深仁。  
霜葉日舒卷。風枝遠埃塵。初英濯紫霞。飛雨流清津。  
賞異出囂襍。折芳積懽忻。文心茲焉重。俗尚安能珍。  
碧玉粧粉比。飛瓊穠艷均。鴛鴦七十二。花態併相新。  
常恐遺秀志。迨茲廣讌陳。芳菲爭勝引。歌詠竟良辰。  
方知戲馬會。永謝登龍賓。

如賦詠物皆  
嫩俗

遊華山雲臺觀

華嶽獨靈異。草木恒新鮮。山盡五色石。水無一色泉。  
仙酒不醉人。仙芝皆延年。夜聞明星館。時韻女蘿絃。  
敬茲不能寐。焚栢吟道篇。

喜與長文上人宿李秀才小山池亭

燈盡語不盡。主人庭砌幽。柳枝星影曙。蘭葉露華浮。  
塊嶺笑羣岫。片池輕衆流。更聞清淨子。逸唱頗難儔。



邀花伴時在朔方

池邊春不足。十里見一花。及時須遨遊。日暮饒風沙。

石淙十首

巖谷不自勝。水木幽竒多。朔風入空曲。一作徑涇流無大波。迢遞徑難盡。參差勢相羅。雪霜有時洗。塵土無由和。潔冷誠未厭。晚步將如何。

出曲水未斷。入山深更重。泠泠若仙語。皎皎多異

數首語意俱  
賤

容。萬響不相雜。四時皆有濃。日月互分照。雲霞各生峰。久迷向方理。逮茲聳前蹤。

荒策每恣遠。躑步難自迴。已抱苔蘚疾。一作病尚凌潺湲

隈。驛驥苦銜勒。籠禽恨摧頽。實力苟未足。浮誇信

悠哉。顧維非時用。靜言還自怡。

朔水刀劒利。秋石瓊瑤鮮。魚龍氣不腥。潭洞狀更

妍。磴雪入呀谷。掬星灑遙天。一作迫聲忙不及韻。勢疾多

斷。漣輪去雖有恨。躁氣一作翻一何顛。蜿蜒相纏掣。犖确



亦迴旋。黑草濯鐵髮。白苔浮冰錢。一作其具生此云遙。非  
德不可甄。何況被犀士。制之空以權。始知靜剛猛。  
文教從來先。

空谷聳視聽。幽湍澤心靈。疾流脫鱗甲。疊岸衝風  
霆。丹巘墮瓌景。霽波灼虛形。一作問淙淙彪厚軸。稜稜攢  
高冥。弱棧跨旋碧。危梯倚凝青。飄飄鶴骨仙。飛動  
鰲背庭。一作其常聞誇大言。下顧皆細萍。

百尺明鏡流。千曲寒星飛。爲君洗故物。有色如新  
衣。不飲泥土污。但飲雪霜肌。石稜玉纖纖。草色瓊  
霏霏。谷嶝有餘力。溪春亦多機。從來一智萌。能使  
衆利歸。因之山水中。喧然論是非。

入深得竒趣。昇險爲良隄。搜勝有聞見。逃俗無蹤  
蹊。穴流恣迴轉。竅景忘東西。戇獸鮮猜懼。羅人巧  
且弔。幽馳異處所。忍慮多端倪。虛獲我何飽。實歸  
彼非迷。斯文浪云潔。此旨誰得齊。

屑珠瀉潺湲。裂玉何威瓌。若調千琴絃。未果一曲



諧古駭毛髮。慄險驚視聽。垂一作土二老皆勁骨。風趨緣  
歆崖。地遠有餘美。一作遺我遊採棄懷。一作奇乘時幸勤鑒。前恨  
多幽霾。弱力謝剛健。寒策貴安排。始知隨事靜。何  
必當夕齋。

昔浮南渡颺。今攀朔山景。物色多瘦削。吟笑還孤  
永。日月凍有稜。雪霜空無影。玉噴不生冰。瑤澗旋  
成井。潛角時聳光。隱鱗乍漂罔。再吟獲新勝。返步  
失前省。愜懷雖已多。惕慮未能整。頽陽落何處。昇

魄銜疎嶺。

聖朝搜巖谷。此地多遺玩。怠惰成遠遊。頑疎恣靈  
觀。勁颺刷幽視。怒水懾餘湍。一作湍曾是結芳誠。一作芳遠茲勉  
流倦。冰條聳危慮。霜翠瑩遐盼。物誘信多端。荒尋  
諒難遍。去矣朔之隅。儵然楚之甸。

遊韋七洞庭別業

洞庭如瀟湘。疊翠蕩浮碧。松桂無赤日。風物饒清  
激。逍遙展幽韻。參差逗良覲。道勝不知疲。冥搜自

詰造

結六別



峻石激湍間  
乃知此二語  
之妙

無斃。曠然青霞抱。永矣白雲適。崆峒非凡鄉。蓬瀛  
在仙籍。無言從遠尚。一作茲馬与之敵還思君子識。波濤漱古岸。鏗  
鏘辨竒石。靈響非外求。殊音自中積。人皆走煩濁。  
君能致虛寂。何以祛擾擾。叩調清淅淅。既懼豪華  
損。誓從詩書益。一舉獨往姿。再搖飛遁跡。山深有  
變異。意愜無驚惕。採翠奪日月。照耀迷晝夕。松齋  
何用掃。蘿院自然滌。業峻謝煩蕪。文高追古昔。暫  
遙朱門戀。終立青史績。物表易淹留。人間重離析。

難隨洞庭酌。且醉橫塘席。

### 越中山水

日覺耳目勝。我來山水州。一作源蓬瀛若髣髴。田野如泛  
浮。碧嶂幾千遶。清泉萬餘流。莫窮合沓步。孰盡派  
別遊。一作族越水淨難污。越天陰易收。氣鮮無隱物。目視  
遠更周。舉俗媚葱蒨。連冬擷芳柔。菱湖有餘翠。茗  
圃無荒疇。賞異忽已遠。探竒誠淹留。永言終南色  
去矣銷人憂。

日一作動一  
作夕



嘉賓一作嘉  
誘一作善友

春集越州皇甫秀才山亭

嘉賓在何處。置亭春山巔。顧余寂寞者。謬廁芳菲  
筵。視聽日澄澈。聲光坐連綿。晴湖瀉峰嶂。翠浪多  
萍蘚。何以逞高志。爲君吟秋天。一作篇

和皇甫判官遊瑯琊溪

山中瑠璃境。物外瑯琊溪。房廊逐巖壑。道路隨高  
低。碧瀨漱白石。翠煙含青蜺。客來暫遊踐。意欲忘  
簪珪。樹杪燈火夕。雲端鐘梵齊。時同雖可仰。跡異

難相携。唯當清宵夢。髮髯願攀躋。

孟東野詩集卷四 終





國家圖書館, NATIONAL CENTRAL LIBRARY, TAIWAN, R.O.C.



孟東野目錄卷五

遊適下

汝州南潭陪陸中丞公燕

汝州陸中丞席喜張從事至同賦十韻

夜集汝州郡齋聽陸僧辯彈琴

同年春燕

羅氏花下奉招陳侍御

遊石龍渦



浮石亭

看花五首

濟源春

濟源寒食七首

遊枋口二首

與王二十一員外涯遊枋口柳溪

與王二十一員外涯游昭成寺

嵩少

旅次洛城東水亭

洛橋晚望

居處

北部貧居

題陸鴻漸上饒新山舍

題韋承總吳王故城下幽居

蘇州崑山惠聚寺僧房

題從叔述靈巖山壁



題林校書花嚴寺書窻

藍溪元居士艸堂

新卜青羅幽居奉獻陸大夫

題韋少保靜恭宅藏書洞

生生亭

寒溪九首

立德新居十首

孟東野詩集卷五

唐 武康孟郊 撰

宋 天台國材 評

遊適

汝州南潭陪陸中丞公讌

一雨百泉漲南潭夜來深。分明碧沙底。寫出青天  
心。遠客洞庭至。因茲滌煩襟。既登飛雲舫。願奏清  
風琴。高岸立旗戟。潛蛟失浮沉。威稜護斯浸。魍魎



耳目二句生  
甚不成語

逃所侵。山態變初霽。木聲流新音。耳目極眺聽。潺  
湲與嶽岑。誰言柳太守。空有白蘋吟。

汝州陸中丞席喜張從事至同賦十韻

汝水無濁波。汝山饒竒石。大賢爲此郡。佳士來如  
積。有客乘白駒。奉義愜所適。清風蕩華館。雅瑟泛  
瑤席。芳醕靜無喧。金樽光有滌。縱情醜慮損。聽論  
自招益。願折若木枝。却彼曜靈夕。貴賤一相接。一作情憂  
悰忽轉易。會合勿言輕。別離古來惜。請君駐征車。

良遇難再覩。

夜集汝州郡齋聽陸僧辯彈琴

康樂寵詞客。清宵意無窮。徵文北山外。一作堂借月南樓  
中。千里愁併盡。一樽歡暫同。胡爲憂楚琴。一作意浙瀝起  
寒風。

同年春燕

少年三十士。嘉會良在茲。高歌搖春風。醉舞摧花  
枝。意蕩晚晚景。喜凝芳菲時。馬跡攢驥裏。樂聲韻

流利  
法亦便可作  
東野五律



參差視聽改舊趣。物象含新姿。紅雨花上滴。綠煙柳際垂。淹中講精義。南皮獻清詞。前賢與今人。千載為一期。明鑒有皎潔。澄玉無磷緇。永與沙泥別。各整雲漢儀。盛氣自中積。英名日四馳。塞鴻絕儔匹。海月難等夷。鬱折忽已盡。親朋樂無涯。幽蘅發空曲。芳杜綿所思。浮跡自聚散。壯心誰別離。願保金石志。無令有奪移。

羅氏花下奉招陳侍御

眼在枝上春。落地成埃塵。不是風流者。誰為攀折人。寧辭波浪濶。莫道往來頻。拾紫豈宜晚。掇芳須及晨。勞收賈生淚。強起屈平身。花下本無俗。酒中別有神。遊蜂不飲故。戲蝶亦爭新。萬物盡如此。過時非所珍。

遊石龍澗

四壁千仞散泉如雨

石龍不見形。石雨如散星。山下晴皎皎。山中陰泠泠。水飛林木杪。珠綴莓苔屏。蓄異物皆別。當晨景



欲暝。泉芳春氣碧。松月寒色青。險力此獨壯。猛獸一作怪亦不停。日暮且廻去。浮心恨未寧。一作尚

### 浮石亭

曾是風雨力。崔巍漂來時。落星夜皎潔。近榜朝逶迤。翠湫遍明滅。清潔瀉歆危。况逢蓬島仙。會合良在茲。

### 看花五首

家家有芍藥。一作如不妨至溫柔。溫柔一同女。紅笑笑不

有意于造

休。月娥雙雙下。楚艷枝枝浮。一作幸逢仙人立洞裏逢仙人。綽約青宵遊。一作清

芍藥誰爲壻。人人不敢來。唯應待詩老。日日殷勤開。玉立無氣力。春凝且徘徊。將何謝青春。痛飲一百杯。

芍藥吹欲盡。無奈曉風何。餘花欲誰待。唯待諫郎過。諫郎不事俗。黃金買高歌。高歌夜更清。花意晚更多。

更造



飲之不見底。醉倒深紅波。紅波蕩諫心。諫心終無  
它。獨遊終難醉。挈榼徒經過。閑花不解語。勸得酒  
無多。

三年此村落。春色入心悲。料得一孀婦。一作世經時獨淚  
垂。

### 濟源春

太行橫偃脊。百里芳崔巍。濟濱花異顏。枋口雲如  
裁。新畫彩色濕。上界光影來。深紅縷草木。淺碧珩

五字有志

沂洄。千家門前飲。一道傳襖杯。玉鱗吞金鈎。仙璇  
瑠璃開。朴童茂言語。善俗無驚猜。狂吹寢恒宴。曉  
清夢先迴。治生鮮惰夫。積學多深材。再遊詎癡顛。  
一洗驚塵埃。

### 濟源寒食七首

風巢嫋嫋春鷓鴣。無子老人仰面嗟。柳弓葦箭覩  
不見。高紅遠綠來相遮。

一作高天

女嬋童子黃短短。耳中聞人惜春晚。逃蜂匿蝶踏

如此過語自  
如自台



地來拋却齋麩一窰椀。

一日踏春一百迴。朝朝沒脚走芳埃。饑童餓馬掃  
花餵。向晚飲溪三兩杯。

莓苔井上空相憶。轆轤索斷無消息。酒人皆倚春  
髮綠。病叟獨藏秋髮白。

長安落花飛上天。南風引至三殿前。可憐春物亦

朝謁。唯我孤吟渭水邊。

枋口花間掣手歸。嵩陽爲我留紅暉。可憐躑躅千

事六其寒處

萬尺。柱地柱天疑欲飛。

蜜蜂爲主各磨牙。咬盡村中萬木花。君家甕甕今  
應滿。五色冬籠甚可誇。

遊枋口二首

一步復一步。出行千里幽。爲取山水意。故作寂寞

遊。太行青巔高。枋口碧照浮。明明無底鏡。泛泛忘

機鷗。老逸不自限。病狂不可周。恣閒饒淡薄。怠玩

多淹留。芳物競畹晚。綠梢挂新柔。和友鷺相連。言



唐亦以綢

語亦似綢。始知萬類然。靜躁難相求。

聳我殘病骨。健如一仙人。鏡中照千里。鏡浪同百神。此神日月華。不作尋常春。三十夜皆明。四時晝恒新。鳥聲盡依依。獸心亦忻忻。澄幽出所怪。閃異坐微網。可來復可來。此地靈相親。

與王二十一員外涯遊枋口柳溪

萬株古柳根。挈此磷磷溪。野榜多屈曲。仙潯無端倪。春桃散紅煙。寒竹含晚淒。曉聽忽以異。芳樹安

如作作語絕  
無逆意

能齊。共疑落鏡中。坐泛紅景低。水意酒易醒。浪情事非迷。小儒峭章句。大賢嘉提携。潛竇韻靈瑟。翠崖鳴玉珪。主人稷卨翁。德茂芝未畦。鑿出幽隱端。氣象皆昇躋。曾是清樂抱。逮茲幾省溪。宴位席蘭草。濫觴驚鳧鷺。靈味薦魴辦。金花屑橙壺。江調擺衰俗。洛風遠塵泥。徒言奏狂狷。詎敢忘筌蹄。

與王二十一員外涯遊昭成寺

洛友寂寂約。省騎霏霏塵。遊僧步晚磬。話茗含芳

下字俱新



一作詩春。瑤策冰入手。粉壁畫瑩神。頽廊芙蓉霽。碧殿瑠  
一作幻璃津。玄講島嶽盡。淵詠文字新。屢笑寒竹讌。况接  
青雲賓。顧慙餘眷下。衰瘵嬰殘身。

### 嵩少

沙彌舞袈裟。走向躑躅飛。閑步亦惺惺。芳援相依  
依。噎塞春咽喉。蜂蝶事光輝。羣嬉且已晚。孤引將  
何歸。流艷去不息。朝英亦疎微。

### 旅次洛城東水亭

水竹色相洗。碧花動軒楹。自然逍遙風。蕩滌浮競  
情。霜落葉聲燥。景寒人語清。我來招隱亭。衣上塵  
暫輕。

### 洛橋晚望

天津橋下冰初結。洛陽陌上行人絕。榆柳蕭疎樓  
閣閒。月明直見嵩山雪。

### 居處

### 北部貧居



自狀寒楚

進乏廣莫力。退爲蒙瀧居。一作龍三年失意歸。四向相識  
疎地僻草木壯。荒條扶我廬。夜貧燈燭絕。明月照  
我書。欲識貞靜操。秋蟬飲清虛。

題陸鴻漸上饒新開山舍

驚彼武陵狀。移歸此巖邊。開亭擬貯雲。鑿石先得  
泉。嘯竹引清吹。吟花成新篇。乃知高潔情。擺落區  
中緣。

題韋承總吳王故城下幽居

韋生相門子孫

自是本色妙語

才飽身自貴。巷荒門豈貧。韋生堪繼相。孟子願依  
鄰。夜思琴語切。晝情茶味新。霜枝留過鵲。風竹掃  
蒙塵。郢唱一聲發。吳花千片春。對君何所有。歸去  
覺情真。

蘇州崑山惠聚寺僧房

昨日到上方。片雲挂石牀。一作封錫杖莓苔青。袈裟松栢  
香。晴磬無短韻。古燈含永光。有時乞鶴歸。還訪道  
遙場。



題從叔述靈巖山壁

換却世上心。獨起山中情。露衣涼且鮮。雲策高復輕。喜見夏日來。變爲松景清。每將逍遙聽。不厭颺颺聲。遠念塵末宗。未疎俗間名。桂枝一作科妄舉手。萍路一作意空勞生。仰謝開淨絃。相招時一鳴。

題林校書花嚴寺書窗

隱詠不誇俗。問禪徒淨居。翻將白雲字。寄向青蓮書。擬古投松坐。就明開紙疏。昭昭南山景。獨與心

相如。

藍溪元居士草堂

市井不容義。義歸山谷中。夫君宅松桂。招我棲蒙籠。人朴清慮肅。境閑視聽空。清溪宛轉水。修竹徘徊風。木倦採樵子。土勞稼穡翁。讀書業雖異。敵本志亦同。藍岸青漠漠。藍峯碧崇崇。日昏各命酒。寒一作邊蛩鳴蕙叢。一作荒

新卜青羅幽居奉獻陸大夫



黔婁住何處。仁邑無餒寒。一作飢豈誤舊羈旅。變為新閑安。二頃有餘食。三農行可觀。籠禽得高巢。輟鮒還層瀾。翳翳桑柘墟。紛紛田里歡。兵戈忽消散。耦耕非艱難。嘉木偶良酌。芳陰庇清彈。力農唯一事。趨世徒萬端。靜覺本相厚。動為末所殘。此外有餘暇。鋤荒出幽蘭。

題韋少保靜恭宅藏書洞

高意合天製。自然狀無窮。仙華凝四時。玉蘚生數

峰。書秘漆文字。匣藏金蛟龍。閑為氣候肅。開作雲雨濃。洞隱諒非久。巖夢誠必通。將綴文士集。貫就真珠叢。

生生亭

灘。閑不妨語。跨溪仍置亭。一作宜置亭巒嶠頭。開窗納遙

青。遙青新畫出。三十六扇屏。裊裊立平地。稜稜浮高冥。一日數開扉。仙閃目不停。徒誇遠方岫。曷若中峯靈。拔意千餘丈。浩言永堪銘。浩言無愧同。愧



未改意亦不  
亮

同忍醜醒致之未有力。力在君子聽。

寒溪九首

一作露

霜洗水色盡。寒溪見纖鱗。幸臨虛空鏡。照此殘瘁  
身。潛滑不自隱。露底瑩更新。豁如君子懷。曾是危  
陷人。始明淺俗心。夜結朝已津。淨漱一掬碧。遠消  
千慮塵。始知泥步泉。莫與山源隣。

舟行寒水中  
方知此語之  
妙

洛陽岸邊道。孟氏莊前溪。舟行素冰拆。聲作青瑤  
嘶。綠水結綠玉。白波生白珪。明明寶鏡中。物物天

照齊。仄步下危曲。攀枯聞孀啼。作宿露霜芬稍消歇。凝景  
澌茫齊。痴坐直視聽。顛行失蹤蹊。岸童斲棘勞。語  
言多悲悽。

曉飲一杯酒。踏雪過清溪。波瀾凍爲刀。剗割鳧與  
鷺。宿羽皆翦棄。血聲沉沙泥。獨立欲何語。默念心  
酸嘶。凍血莫作春。作春生不齊。凍血莫作花。作花  
發孀啼。幽幽棘針村。凍死難耕犁。

篙工。碓玉星。一路隨迸螢。朔凍哀澈底。獠饒咏潛



語不其亮詞  
去近辨

鯉冰齒相磨。嚙風音酸。鐸鈴清悲不可逃。洗出纖  
悉聽碧湫。卷已盡。彩縷飛飄零。下躡滑不定。上棲  
折難停。哮嗥呻唵。冤仰訴何時寧。

一曲一直水。白龍何鱗鱗。凍飈雜碎號。壑音坑谷  
辛。柝榆吃無力。飛走更相仁。猛弓一折絃。餘喘爭  
來賓。大嚴此之立。小殺不復陳。皎皎何皎皎。氤氳  
復氤氳。瑞晴刷日月。高碧開星辰。獨立兩脚雪。孤  
吟千慮新。天機徒昭昭。箕舌虛斷斷。堯聖不聽汝。

何語不復似  
詩  
二首似謂禽  
魚因忍凍解  
冰而死若君  
子不可以其  
自死而食之  
以老大白佛  
心

孔微亦有臣。諫書竟成章。古義終難陳。

因凍死得食。殺風仍不休。以兵為仁義。仁義生刀  
頭。刀頭仁義腥。君子不可求。波瀾抽劒冰。相劈如  
仇讐。尖雪入魚心。魚心明愀愀。恍如罔兩說。似訴  
割切由。誰使異方氣。入此中土流。翦盡一月春。閉  
為百谷幽。仰懷新霽光。下照疑憂愁。

溪老哭甚寒。涕泗冰珊珊。飛死走死形。雪裂紛心  
肝。劒刃凍不割。弓絃彊難彈。常聞君子武。不食天



以上數首  
是曲琴苦寒  
思暖賦得屈  
曲辭奇

殺殘。斲玉掩骼齒。吊瓊哀闌干。  
溪風擺餘凍。溪景銜明春。玉消花滴滴。虬解光鱗。  
鱗。懸步下清曲。消期濯芳津。千里冰裂處。一勺暖  
亦仁。凝精牙相洗。漪漣競將新。忽如劒瘡盡。初起  
百戰身。

立德新居十首

立德何亭亭。西南聳高隅。陽崖洩春意。井圃留冬  
蕪。勝引卽紆道。幽行豈通衢。碧峰遠相揖。清思誰

言孤。寺秩雖貴家。濁醪良可哺。

聳城架霽漢。潔宅涵網緼。開門洛北岸。時鎖嵩陽  
雲。夜高星辰大。晝長天地分。厚韻屬疎語。薄名謝  
囂聞。茲焉有殊隔。永矣難及羣。

賓秩已覺厚。私儲常恐多。清貧聊自爾。素青將如  
何。儉教先勉力。修襟無餘它。良棲一枝木。靈巢片  
葉荷。仰笑鷓鴣輩。委身拂天波。

疎門不掩水。洛色寒更高。曉碧流視聽。夕清濯衣



有概于中

袍爲於仁義得。未覺登陟勞。遠岸雪難暮。勁枝風  
易號。霜禽各嘯侶。吾亦愛吾曹。

崎嶇有懸步。委曲饒荒尋。遠樹足良木。疎巢無爭  
禽。素鬼銜夕岸。綠水生曉潯。空曠伊洛視。髣髴瀟  
湘心。何必尚遠異。憂勞滿行襟。

懸途多仄足。崎圃無修畦。芳蘭與宿艾。手擷心不  
迷。品子懶讀書。轅駒難服犁。虛食日相投。夸腸詎  
能低。恥從新學游。願將古農齊。

不選不陶時  
出自造出是  
交調

都城多聳秀。愛此高縣居。伊雒遶街巷。鴛鴦飛閭  
閭。翠景何的礫。霜颼飄空虛。突出萬家表。獨治二  
畝蔬。一旬一手版。十日九手鋤。

手鋤手自勗。激勸亦已饒。畏彼梨栗兒。空資玩弄  
驕。夜景臥難盡。晝光坐易消。治舊得新義。耕荒生  
嘉苗。鋤治苟愜適。心形俱逍遙。

玉蹄裂鳴水。金綬忽照門。拂拭貧士席。拜候丞相  
轅。德踈未爲高。禮至方覺尊。豈唯耀茲日。可以榮

耀氣日榮遠  
孫陶甚可謂



遠孫。如何一陽朝。獨荷衆瑞繁。

東南富水木。寂寥蔽光輝。此地足文字。及時隘驂  
駢。仄雪踏爲平。澀行變如飛。令畦生氣色。嘉綠新

霏微。天意資厚養。賢人肯相違。

末二章冬至日鄭  
相至門以屬意在

焉

孟東野詩集卷五 終





孟東野目錄卷六

行役

西上經靈寶觀


泛黃河

往河陽宿峽陵寄李侍御

鷓路溪行呈陸中丞

獨宿峴首憶長安故人

自商行謁復州盧使君虔





夢澤行

京山行

旅次湘沅有懷靈均

過彭澤

過分水嶺

分水嶺別夜示從弟寂

連州吟三章

旅行

紀贈

上河陽李大夫

投贈張端公

贈蘇州韋郎中使君

上張徐州

上包祭酒

贈崔純亮

贈文應上人



嚴河南

贈李觀

吳安西館贈從弟楚客

贈章仇將軍

贈道月上人

杼情因上郎中二十二叔監察十五叔兼呈

李益端公柳縝評事

贈城部道士

桐廬山中贈李明府

獻漢南樊尚書

贈轉運陸中丞

贈萬年陸郎中

擢第後東歸書懷獻坐主呂侍郎

古意贈梁蕭補闕

贈黔府王中丞楚

上達溪舍人



贈主人

贈建業契公

獻襄陽于大夫

贈鄭夫子魴

大隱訪三首

崔從事郎以直隸職

章仇將軍良棄功

趙記室倣在職無事

贈韓郎中愈二首

戲贈无本二首



孟東野詩集卷六

唐 武康孟郊 撰

宋 天台國材 評

行役

西上經靈寶觀

觀即尹真人舊宅

道士無白髮。語音靈泉清。青松多壽色。白石恒夜明。放步霽霞起。振衣華風生。真文祕中頂。寶氣浮四楹。一片古關路。萬里今人行。上仙不可見。驅策

秦時明月漢  
時關令人不  
見古時月令  
月曾經照古



人似奇巧  
意此二語可  
以鑿括

險壯  
不絕

在景淒涼如  
見

徒西征。

泛黃河

誰開崑崙源。流出混沌河。一作初積雨飛作風。驚龍噴為波。一作寒湘瑟颼颼絃。越賓嗚咽歌。一作雙眼有恨不可洗。虛此來經過。

往河陽宿峽陵寄李侍御

暮天寒氣悲屑屑。啼鳥遶樹泉水噎。行路解鞍投古陵。蒼蒼隔山見微月。鴉鳴犬吠霜煙昏。開囊拂

巾對盤飧。人生窮達感知已。明日投君申片言。

鴉路溪行呈陸中丞

鴉路不可越。三十六渡溪。有物飲碧水。高林挂青蜺。歷覽道更險。驅使跡頓睽。視聽易常主。心寬互相迷。浪石忽搖動。沙堤信難躋。危峯紫霄外。古木浮雲齊。出阻望汝郡。大賢多招携。疲馬戀舊秣。羈禽思故棲。應憐泣楚玉。棄置如塵泥。

獨宿峴首憶長安故人



起得雄可方  
襄陽

月。迥。無。隱。物。况。復。大。江。秋。江。城。與。沙。村。人。語。風。颯。  
颯。峴。亭。當。此。時。故。人。不。同。遊。故。人。在。長。安。亦。可。將。  
夢。求。

自商行謁復州盧使君虔

一。身。遶。千。山。遠。作。行。路。人。未。遂。東。吳。歸。暫。出。西。京。  
塵。仲。宣。荆。州。客。一作為今。余。竟。陵。賓。往。蹟。雖。不。同。託。意。皆。  
有。因。商。嶺。莓。苔。滑。石。坂。上。下。頻。江。漢。沙。泥。潔。一作水白永。日。  
光。景。新。獨。淚。起。殘。夜。孤。吟。望。初。晨。驅。馳。竟。何。事。章。

句依深仁。

夢澤行

楚。山。爭。蔽。虧。日。月。無。全。輝。楚。路。饒。迴。惑。旅。人。有。迷。  
歸。騏。驥。思。北。首。鷓。鴒。願。南。飛。我。懷。京。洛。遊。未。厭。風。  
塵。衣。

京山行

衆。蚩。聚。病。馬。流。血。不。得。行。後。路。起。夜。色。前。山。聞。虎。  
聲。此。時。遊。子。心。百。尺。風。中。旌。

善作危語



旅次湘沅有懷靈均

分拙多感激。久遊遵長途。經過湘水源。懷古方踟躕。舊稱楚靈均。此處殞忠軀。側聆故老言。遂得旌賢愚。名參君子場。行爲小人儒。騷文銜貞亮。體物情崎嶇。三黜有愠色。卽非賢哲模。五十爵高秩。謬膺從大夫。胸襟積憂愁。容鬢復彫枯。死爲不吊鬼。生作猜謗徒。吟澤潔其身。忠節寧見輸。懷沙滅其性。孝行焉能俱。且聞善稱君。一何善自殊。且聞過

賤靈均未能免腐未段頌本朝戒臣子自是正論

君疑作語

舟人意言舟中人乃自指那若舟人訝無謂

過彭澤

稱已。一何過不渝。悠哉風土人。角黍投川隅。相傳歷千祀。哀悼延八區。如今聖明朝。養育無羈孤。君臣逸雍熙。德化盈紛敷。巾車狗前侶。白日猶昆吾。寄君臣子心。戒此真良圖。

揚帆過彭澤。舟人訝歎息。不見種柳人。霜風空寂歷。

過分水嶺



山壯馬力短。路行石齒中。十步九舉轡。廻環失西  
東。溪水變為雨。懸崖陰濛濛。客衣飄飄秋。葛花零  
落風。白日捨我沒。一作去征途忽然窮。

分水嶺別夜示從弟寂

一作示于孟叔

南中少平地。山水重疊生。別泉萬餘曲。迷舟獨難  
行。四際亂峰合。一眺千慮并。潺湲冬夏冷。光彩晝  
夜明。賞心難久勝。離腸忽自驚。一作古木解。一作古木搖。一作古木搖。一作古木搖。古木搖霽色。高風  
動秋聲。飲爾一樽酒。慰我百憂輕。嘉期何處定。此

晨堪寄情。

連州吟三章

春風朝夕起。吹綠日日深。試為連州吟。淚下不可  
禁。連山何連連。連天碧岑岑。哀猿哭花死。子規裂  
客心。蘭芷結新佩。瀟湘遺舊音。怨聲能翦絃。坐撫  
零落琴。

羽翼不自有。相追力難任。唯憑方寸靈。獨夜萬里  
尋。方尋魂颺颺。南夢山嶠嶽。髣髴驚魍魎。悉窅聞



楓林。正直被放者。鬼魅無所侵。賢人多安排。俗士多虛欽。孤懷吐明月。衆毀鑠黃金。願君保玄曜。壯志無自沉。

朝亦連州吟。暮亦連州吟。連州果有信。一紙萬里心。開緘白雲斷。明月墮衣襟。南風嘶舜瑄。苦竹動猿音。萬里愁一色。瀟湘雨淫淫。兩劍忽相觸。雙蛟恣浮沉。鬪水正迴幹。倒流安可禁。空愁江海信。驚浪隔相尋。

韻起可拖

旅行

楚水結冰薄。楚雲爲雨微。野梅參差發。旅榜逍遙歸。

紀贈

上河陽李大夫

上將秉神畧。至兵無猛威。三軍當嚴冬。一撫勝重衣。霜劍奪衆景。星夜失長輝。蒼鷹獨立時。惡鳥不敢飛。武牢鎖天關。河橋紐地機。大將奚以安。守此



稱者稀。貧士少顏色。貴門多輕肥。試登山嶽高。方見草木微。山嶽恩既廣。草木心皆歸。

投贈張端公

君子量不極。胸吞百川流。嫉邪霜氣直。問俗春辭柔。日戶晝輝靜。月杯夜景幽。詠驚芙蓉發。笑激風飈秋。鸞步獨無侶。鶴音仍寡儔。幸沾分寸顧。散此千萬憂。

贈蘇州韋郎中使君

謝客吟一聲。霜落羣聽清。文含元氣柔。鼓動萬物輕。嘉木依性植。曲枝亦不生。塵埃徐庾詞。金玉曹劉名。章句作雅正。江山益鮮明。萍蘋一浪草。菰蒲一片池。榮曾是康樂。詠如今舉其英。顧惟菲薄質。亦願將此并。

上張徐州

爲水不入海。安得浮天波。爲木不在山。安得橫日柯。再來君子傍。始覺精義多。一作執大德唯一施。衆情自



偏頗至樂無宮徵。至聲遺謳謠。願鼓空桑絃。永使  
一作安  
萬物和。顧已誠拙訥。千名已蹉跎。獻詞惟在口。所  
欲無餘它。乍作支泉石。乍作翳松蘿。一不改方圓。  
破質爲琢磨。賤子本如此。大賢心若何。豈是無異  
途。異途難經過。

上包祭酒

嶽嶽冠蓋彥。英英文字雄。瓊音獨聽時。塵韻固不  
同。春雲生紙上。秋濤起胸中。時吟五君詠。再舉七  
子風。何幸松桂侶。見知勤苦功。願將黃鶴翅。一借  
飛雲空。

贈崔純亮

食齋腸亦苦。強歌聲無歡。出門卽有礙。誰謂天地  
寬。有礙非遐方。長安大道傍。小人智慮險。平地生  
太行。鏡破不改光。蘭死不改香。始知君子心。交久  
道益彰。君心與我懷。離別俱迴遑。譬如浸蘗泉。流  
苦來日長。忍泣目易衰。忍憂形易傷。項籍非不壯。

苦甚亦歷世  
者千古同恨



怨甚

賈生非不良。當其失意時。涕泗各沾裳。古人勸加餐。存食此餐難自強。一飯九祝噎。一嗟十斷腸。况是兒女怨。怨氣凌彼蒼。彼蒼昔有知。白日下清霜。今朝始驚歎。存呼碧落空茫茫。

贈文應上人

棲遲青山巔。高靜身所便。不踐有命草。但飲無聲泉。齋性空轉寂。學情深更專。經文開貝葉。衣製垂秋蓮。厭此俗人羣。暫來還却旋。

嚴河南

赤令風骨峭。語言清霜寒。不必用雄威。見者毛髮攢。我有赤令心。未得赤令官。終朝衡門下。忍志將筑彈。君從西省郎。正有東洛觀。洛民蕭條久。威恩憫撫難。苦竹聲嘯雪。夜齋聞千竿。詩人偶寄耳。聽苦心多端。多端落盃酒。酒中方得歡。隱士多飲酒。此言信難刊。取次令坊沽。舉止務在寬。何必紅燭嬌。始言清宴闌。丈夫莫矜莊。矜莊不中看。

嘯雪字效

名言名言於  
莊便是俗態



此語每巧而  
每苦

二語似古語

時欲問天無  
非感遇而怨

贈李觀觀初登第

誰言形影親。燈滅影去身。誰言魚水歡。水竭魚枯  
鱗。昔爲同根客。今爲獨笑人。捨予在泥轍。飄跡上  
雲津。臥木易成蠹。棄花難再春。何言對芳景。愁望  
極蕭晨。埋劍誰識氣。匣絃日生塵。願君語高風。爲  
余問蒼旻。

吳安西館贈從弟楚客

蒙籠楊柳館。中有南風生。風生今爲誰。湘客多遠

情。孤枕楚水夢。獨帆楚江程。覺來殘恨深。尚與歸  
路并。玉匣五絃在。請君時一鳴。

贈章仇將軍

將軍不誇劍。才氣爲英雄。五嶽拽力內。百川傾意  
中。本立誰敢拔。飛文自難窮。前時天地翻。已有扶  
正功。

贈道月上人

僧貌淨無點。僧衣寧綴華。尋常晝日行。不使身影



斜。飯木煮松栢。坐山敷雲霞。欲知禪隱高。緝薜爲  
袈裟。

抒情因上郎中二十二叔監察十五叔兼呈

李益端公柳縝評事

方憑指下絃。寫出心中言。寸草賤子命。高山主人  
恩。遊邊風沙意。夢楚波濤魂。一日引別袂。九迴沾  
淚痕。自悲何以然。在禮闕晨昏。名利時轉甚。是非  
宵亦喧。浮情少定主。百慮隨世翻。舉此胸臆恨。幸

從賢哲論明明三飛鸞。照物如朝暎。

贈城部道士

望裏失却山。聽中遺却泉。松枝休策雲。藥囊翻貯  
錢。曾依青桂隣。學得白雲絃。別來意未迴。世上爲  
隱仙。

桐廬山中贈李明府

靜境無濁氛。清雨零碧雲。千山不隱響。一葉動亦  
聞。卽此佳志士。精微誰相羣。欲識楚章句。袖中蘭

寫出城郭中  
之俗

是真靜境入  
山溪者方知  
此妙



蒞薰。

獻漢南樊尚書

天下昔崩亂。大君識賢臣。衆木盡搖落。始見竹色真。兵勢走山嶽。陽光潛埃塵。心開玄女符。面縛清波人。異俗旣從化。澆風亦歸淳。自公理斯郡。寒谷皆變春。旗影卷赤電。劍鋒匣青鱗。如何嵩高氣。作鎮楚水濱。雲鏡忽開霽。孤光射無垠。乃知尋常鑒。照影不照神。

贈轉運陸中丞

掌運職旣大。摧邪名更雄。鵬飛簸曲雲。鸚怒生直風。投彼霜雪令。翦除荆棘叢。楚倉傾向西。吳米發自東。帆影咽河口。車聲聳關中。堯知才策高。人喜道路通。皆驚內史力。繼得鄼侯功。萊子真爲少。相如未免窮。衣花野菡萏。書葉山梧桐。不是宗匠心。誰憐久棲蓬。

贈萬年陸郎中



天子憂劇縣。寄深華省郎。紛紛風響珮。螿螿劍開  
霜。舊事笑堆案。新聲唯雅章。誰言百里才。終作橫  
天梁。江鴻承恥眷。雲津未能翔。徘徊塵俗中。短毳  
無輝光。

擢第後東歸書懷獻座主呂侍御

昔歲辭親淚。今爲戀主泣。一作思去住情難竝。別離景易  
戢。天矯大空鱗。曾爲小泉蟄。幽意獨沉時。震雷忽  
相及。神行旣不宰。直致非所執。至運本遺功。輕生

各自立。大君思此化。良佐自然集。寶鏡無私光。時  
文有新習。慈親誠志就。賤子歸情急。擢第謝靈臺。  
牽衣出皇邑。行襟海日曙。逸抱江風入。蒹葭得波  
浪。芙蓉紅岸濕。雲寺勢動搖。山鐘韻嘘吸。舊遊期  
再踐。懸水得重挹。松蘿雖可居。青紫終當拾。

古意贈梁蕭補闕

曲木忌日影。讒人畏賢明。自然照燭間。不受邪佞  
輕。不有百煉火。孰知寸金精。金鉛正同鑪。一作在願分精



與麤。

贈黔府王中丞楚

舊。說。天。下。山。半。在。黔。中。青。又。聞。天。下。泉。半。落。黔。中。  
鳴。山。水。千。萬。遶。中。有。君。子。行。儒。風。一。以。扇。汗。俗。心。  
皆。平。我。願。中。國。春。化。從。異。方。生。昔。爲。陰。草。毒。今。爲。  
陽。華。英。嘉。實。綴。綠。蔓。涼。湍。瀉。清。聲。逍。遙。物。景。勝。視。  
聽。空。曠。并。困。驥。猶。在。轅。沉。珠。尚。隱。精。路。遐。莫。及。盼。  
泥。汗。日。已。盈。歲。宴。將。何。從。落。葉。甘。自。輕。

通選語

奇句

上達溪舍人

北。山。少。日。月。艸。木。苦。風。霜。貧。士。在。重。坎。食。梅。有。酸。  
腸。萬。俗。皆。走。圓。一。身。猶。學。方。常。恐。衆。毀。至。春。葉。成。  
秋。黃。大。賢。秉。高。鑒。公。燭。無。私。光。暗。室。曉。未。及。幽。吟。  
涕。空。行。

贈主人

斗。水。瀉。大。海。不。知。瀉。枯。池。分。明。賢。達。交。豈。顧。豪。華。  
兒。海。有。不。足。流。豪。有。不。足。資。枯。鱗。易。爲。水。貧。士。易。

便是同意不  
繼富意



為施幸覩君子席。會將幽賤期。側聞清風議。飶如黃金卮。此道與日月。同光無盡時。

贈建業契公

師住青山寺。清華常繞身。雖然到城部。衣上不棲塵。

獻襄陽于大夫

襄陽青山部。漢江白銅堤。謝公領茲郡。山水無塵泥。鐵馬萬霜雪。絳旗千虹霓。風漪參差泛。石板重

疊躋。舊淚不復墮。新歡居然齊。還耕竟原野。歸老相扶携。物色增曖曖。寒芳更萋萋。一作衆賦無暴掠與躅無近蹊。即此富蒼翠。自然引翔棲。曩遊常抱憶。夙好今尚睽。願言從逸轡。暇日凌清溪。

贈鄭夫子魴

天地入胸臆。吁嗟生風雷。文章得其微。物象由我裁。宋玉逞大句。李白飛狂才。苟非聖賢心。詎與造化該。勉矣鄭夫子。驪珠今始胎。



大隱詠三首

崔從事郎以直隳職

一作官

古人留清風。千載遙贈君。破松見貞心。裂竹看直  
文。殘月色不改。高賢德常新。家懷詩書富。宅抱草  
木貧。安得一蹄泉。來化千尺鱗。含意永不語。釣璜  
幽水濱。

章仇將軍良棄功守貧

飲君江海心。一作誰詎能辨淺深。挹君山嶽德。誰能齊嶽

岑。東海精爲月。西嶽氣凝金。進則萬景晝。一作晝退則羣  
物陰。我欲薦此言。天門峻沉沉。風颺亦感激。爲我  
颺風吟。

趙記室倣在職無事

卑靜身後老。高動物先摧。方圓水任器。剛勁木成  
灰。大道毋羣物。達人腹衆才。時吟堯舜篇。心向無  
爲開。彼隱山萬曲。我隱酒一杯。公庭何所有。日日  
清風來。

三詩中皆自  
見其品



古甚貧居二句接得淺露

此語常古

宜是一詩

又古可與游子吟並美

候奇自言是骨亦自知品地兩通

贈韓郎中愈二首

何以定交契。贈君高山石。何以保貞堅。贈君青松色。貧居過此外。無可相彩飾。聞君碩鼠詩。吟之淚空滴。

碩鼠既穿墉。又噬機上絲。穿墉有閒土。噬絲無餘衣。朝吟枯桑柘。暮泣穿杼機。豈是無巧妙。絲斷將何施。眾人上肥華。志士多饑羸。願君保此節。天意當察微。

右二詩一本作一詩

前日遠別離。今日生白髮。欲知萬里情。曉臥半牀月。常恐百蟲秋。使我芳艸歇。

一本無此一篇

戲贈無本二首

長安秋聲乾。木葉相號悲。庾僧臥冰凌。嘲詠合金痍。金痍非戰痕。峭病方在茲。詩骨聳東野。詩濤湧退之。有時踉蹌行。人驚鶴阿師。可惜李杜死。不見此狂癡。

燕僧聳聽詞。袈裟喜新翻。北岳厭利殺。玄功生微



又造

意語俱俊

言。天高亦可飛。海廣亦可源。文章杳無底。斷掘誰  
能根。夢靈髣髴到。匠我方與論。拾月鯨口邊。何人  
免爲吞。燕僧擺造化。萬有隨手奔。補綴雜霞衣。笑  
傲諸貴門。將明文在身。亦爾道所存。朔雪凝別句。  
朔風飄征魂。再期嵩少遊。一訪蓬蘿村。春草步步  
綠。春山日日暄。遙鷺相應吟。晚聽恐不繁。相思塞  
心胸。高逸難攀援。

孟東野詩集卷六

終

按贈韓未首卽二卷中獨愁止異二字舊本重出也而評者不覺因有評亦仍其本

國家圖書館, NATIONAL CENTRAL LIBRARY, TAIWAN, R.O.C.



孟東野目錄卷七

懷寄

寄張籍

憶周秀才素上人時聞各在一方

舟中喜遇從叔簡別後寄上時從叔初擢第

歸江南郊不從行

懷南岳隱士二首

春夜憶蕭子真



寄院中諸公

寄洛州李大夫

寄盧虔使君

寄崔純亮

汴州離亂後憶韓愈李翱

寄張籍

寄義興小女子

憶江南弟

宿空姪院寄澹公

寄陝府鄧給事

送諫議十六叔至孝義渡後奉寄

至孝義渡寄鄭軍事唐二十五

酬答

答友人

酬友人見寄新文

答韓愈李觀別因獻張徐州



答書上人止讒作

答姚怱見寄

答鄧郎中

答盧虔故園見寄

汝墳蒙從弟楚材見贈時郊將入秦楚材適

楚

同從叔簡酬盧殷少府

酬李侍御書記秋夕雨中病假見寄

答盧仝

奉報翰林張舍人見遺之詩

送別上

送從弟郢東歸

山中送從叔簡赴舉

送別崔寅亮下第

大梁送柳淳先入關

送無懷道士遊富春山水



送温初下第

送盧虔端公守復州

送任齋二秀才自洞庭遊宣城

送曉公歸庭山

送豆盧策歸別墅

送清遠上人歸楚山舊寺

山中送從叔簡

送蕭鍊師入四明山

孟東野詩集卷七

唐 武康孟郊 撰

宋 天台國材 評

懷寄

寄張籍

夜鏡不照物。朝光何時昇。一作暗然愁氣走入志士  
膺。志士惜時逝。一宵三四興。清漢徒自朗。濁河終  
無澄。舊愛忽已遠。新愁坐相凌。君其隱壯懷。我亦

既云思善又  
云入膺便疊  
宜作秋氣秋  
色是



逃名稱。古人貴從晦。君子忌黨朋。傾敗生所競。保全歸悄悄。浮雲何當來。潛虬會飛騰。

憶周秀才素上人時聞各在一方

東西分我情。魂夢安能定。野客雲作心。高僧月爲性。浮雲自高閒。明月常空淨。衣敝得古風。居山無俗病。吟聽碧雲語。手把青松柄。羨爾欲寄書。飛禽杳難倩。

舟中喜遇從叔簡別後寄上時從叔初擢第

歸江南郊不從行

一意兩片雲。暫合還却分。南雲乘慶歸。北雲與誰羣。寄聲千里風。相喚聞不聞。

懷南岳隱士二首

見說祝融峯。擎天勢似騰。藏千尋布水。出十八高僧。古路無人跡。新霞吐石稜。終居將爾叟。一一共余登。

千峰映碧湘。真叟此中藏。飯不煮石喫。眉應似髮

清高之語

藏千尋二句  
折腰體本朝  
蘇黃亦時用  
此法



無其事而有其趣

長。楓。狸。楮。酒。甕。鶴。虱。落。琴。牀。強。效。忘。機。者。斯。人。尚。未。忘。

春夜憶蕭子真

半夜不成寐。燈盡又無月。獨向堦前立。子規啼不歇。况我有金蘭。忽爾爲胡越。爭得明鏡中。久長無白髮。

寄院中諸公

奕奕秋水傍。駸駸綠雲蹄。月仙有高耀。靈鳳無卑

棲。翠。色。遶。雲。谷。碧。華。凝。月。溪。竹。林。遙。歷。覽。雲。寺。行。攀。躋。冠。豸。猶。屈。蠖。匣。龍。期。剗。犀。千。山。驚。月。曉。百。里。聞。霜。輦。戍。府。多。秀。異。謝。公。期。相。携。因。之。仰。羣。彥。養。拙。固。難。齊。

寄洛州李大夫

自從薊師反。中國事紛紛。儒道一失所。賢人多在軍。鳥巢憂迸射。鹿耳駭驚聞。劔折唯恐匣。弓貪不讓勳。方知省事將。動必謝前羣。鸛陣常先罷。魚符



最晚分步閒洛水曲。笑激太行雲。詩叟未相識。竹兒爭見君。殷勤起談說。記盡古風文。一作風

寄盧虔使君

霜露再且換。遊人猶未歸。歲新月改色。客久線斷衣。有鶴冰在翅。竟久力難飛。千家舊素沼。昨日生綠輝。春色若不借。一作可爲君步芳菲。

寄崔純亮

百川有餘水。大海無滿波。器量各相懸。賢愚不同

科。羣辯有姿語。衆歡無行歌。唯餘洛陽子。鬱鬱恨常多。時讀過秦篇。爲君涕滂沱。

汴州離亂後憶韓愈李翱

會合一時哭。別離三斷腸。殘花不待風。春盡各飛揚。懽去收不得。悲來難自防。孤門清館夜。獨臥明月牀。忠直血白刃。道路聲蒼黃。食息三千士。一旦爲豺狼。海島士皆直。夷門士非良。人心既不類。天道久反常。自殺與彼殺。未知何者臧。



只一盲目造  
出宛轉多意  
然甚欲作古  
却異於古

二語却古

結與起合

題是寄詩  
意以似詩  
未解行之女  
寄之何為

### 寄張籍

未見天子面。不如雙盲人。賈生對文帝。終日猶悲辛。夫子亦如盲。所以空泣麟。有時獨齋心。髣髴夢稱臣。夢中稱臣言。覺後真埃塵。東京有眼富。不如西京無眼貧。西京無眼猶有耳。隔墻時聞天子車。麟麟麟。麟麟車聲輾冰玉。南郊壇上禮百神。西明寺後窮瞎張太祝。從爾有眼誰爾珍。天子只尺不得見。不如閉眼且養真。

### 寄義興小女子

江南莊宅淺。所固唯踈籬。小女未解行。酒弟老更癡。家中多吳語。教爾遙可知。山怪夜動門。水妖時弄池。所憂癡酒腸。不解委曲辭。漁妾性崛強。耕童手皴皴。想茲爲襁褓。如鳥拾柴枝。我詠元魯山。胸臆流甘滋。終當學自乳。起坐常相隨。

### 憶江南弟

白首眼垂血。望爾唯夢中。筋力強起時。魂魄猶在



東眼光寄明星。起來東望空。望空不見人。江海波  
無窮。衰老無氣力。呼叫不成風。孑然憶憶言。落地  
何由通。常師共被教。竟作生離翁。生離不可訴。上  
天何曾聰。未忍對松栢。自鞭殘朽躬。自鞭亦何益。  
矩教非所崇。努力拄杖來。餘活與爾同。不然死後  
恥遺死。亦有終。

宿空姪院寄澹公

夜坐冷竹聲。二三高入語。燈窻看律鈔。小師別爲

便是夜境

侶。雪簷晴滴滴。茗椀華舉舉。磬音多風飈。聲韻聞  
江楚。官街不相隔。詩思空愁予。明日策杖歸。去住  
兩延佇。

寄陝府鄧給事

陝城臨大道。館宇屹幾鮮。候謁隨芳語。鏗詞芬蜀  
牋。從來鏡目下。見盡道心前。自謂古詩量。異將新  
學偏。懃人年六十。每月請三千。不敢等閑用。願爲  
長壽錢。非關亦潔爾。將以救羸然。孤省癡皎皎。默



吟寫綿綿。病書憑晝日。驛信寄宵鞭。疾訴將何諭。  
肆鱗今倒懸。塵鯉見枯浪。土鬣思乾泉。感感無緒  
蕩。愁愁作□<sup>原缺</sup>邊。貞元文祭酒。比謹學韋玄。滿坐風  
無雜。當朝雅獨全。見知囑徐孺。賞句類陶淵。一顧  
生鴻羽。再言將鶴翩。宣揚隘車馬。君子湊駢闐。曾  
是此同睠。至今應賜憐。磨墨零落淚。楷字貢仁賢。  
送諫議十六叔至孝義渡後奉寄

曉渡明鏡中。霞衣相飄飄。浪鳧驚亦雙。蓬客將誰  
僚。別飲孤易醒。離憂壯難銷。文清雖無敵。儒貴不  
敢驕。江吏捧紫泥。海旗剪紅蕉。分明太守禮。跨躡  
毗陵橋。伊洛去未迴。遐矚空寂寥。

至孝義渡寄鄭軍事唐二十五

咫尺不得見。心中嗟嗟。官街泥水深。下脚道路  
斜。嵩少玉峻峻。伊雒碧華華。岸亭當四迴。詩老獨  
一家。洧叟何所如。鄭食唯有些。何當來說事。爲君  
開流霞。



酬答

答友人

可想其人

白日照清水。淺深無隱姿。君子業高文。懷抱多正  
 思。砥行碧山石。結交青松枝。碧山無轉易。青松難  
 傾移。落落山俗韻。琅琅大雅詞。自非隨氏掌。明月  
 安能持。千里不可倒。一返無近期。一作別 一作四如何非意中。良  
 覲忽在茲。道語必踈淡。儒風易凌遲。願存貞堅節。  
 勿謂霜霰欺。

酬友人見寄新文

為客棲未定。况當玄月中。繁雲翳碧霄。落雪和清  
 風。郊陌絕行人。原濕多飛蓬。耕牛返村巷。野鳥依  
 房櫳。我無飢凍憂。身託蓮花宮。安閑賴禪伯。復得  
 疏塵蒙。覽君郢曲文。詞彩何冲融。謳吟不能已。頓  
 覺形神空。

答韓愈李觀別因獻張徐州

富別愁在顏。貧別愁銷骨。懶磨舊銅鏡。畏見新白

此首平夷有  
 次第不作鉤  
 棘及覺迫古  
 為勝

便欲作怪



髮古樹春無花。子規啼有血。離弦不堪聽。一聽四五絕。世途非一險。俗慮有千結。有客步大方。驅車獨迷轍。故人韓與李。逸翰雙皎潔。哀我摧折歸。贈詞縱橫設。徐方國東樞。元戎天下傑。禰生投刺遊。王粲吟詩謁。高情無遺照。朗抱開曉月。有土不埋冤。有讐皆爲雪。願爲直草木。永向君地列。願爲古琴瑟。永向君聽發。欲識丈夫心。曾將孤劍說。

答書上人止讒作

止謂水涇流  
二語餘不見  
有止諱意

烈烈鸞鷲吟。鏗鏗琅玕音。梟摧明月嘯。鶴起清風心。涇水不可渾。涇流徒相侵。俗侶唱桃葉。隱仙鳴桂琴。子野真遺却。浮淺藏淵深。

答姚怱見寄

日月不同光。晝夜各有宜。賢哲不苟合。出處亦待時。而我獨迷見。意求異士知。如將舞鶴管。誤向驚鳧吹。大雅難具陳。正聲易漂淪。君有丈夫淚。泣人不泣身。行吟楚山下。義淚沾衣巾。

候是好事鼓  
瑟意



可想其品調  
六古

創語

答鄧郎中

松栢死不變。千年色青青。志士貧更堅。守道無異  
營。每彈瀟湘瑟。獨抱風波聲。中有失意吟。知者淚  
滿纓。何以報知者。永存堅與貞。

答盧虔故園見寄

訪舊無一人。獨歸清雒春。花聞哭聲死。水見別容  
新。亂後故鄉宅。多為行路塵。因悲楚左右。謗玉不  
知珉。

汝墳蒙從弟楚材見贈時郊將入秦楚材適

楚

朝為主人心。夕作行客吟。汝水忽淒咽。汝風流苦  
音。北關秦門高。南路楚石深。分淚洒白日。離腸遶  
青岑。何以寄遠懷。一作我書黃鶴能相尋。

同從叔簡酬盧殷少府

梅尉吟楚聲。竹風為淒清。深虛冰在性。萬潔雲入  
情。借水洗閑貌。寄焦書逸名。羞將片石文。鬪此雙

孟東野卷七

每出語必造



瓊英。

酬李侍御書記秋夕雨中病假見寄

秋風遶衰柳。遠客聞雨聲。重茲阻良夕。孤坐唯積誠。果枉移疾詠。中含嘉慮明。洗滌煩濁盡。視聽昭曠生。未覺衾枕倦。久爲章奏嬰。達人<sup>一作保</sup>不寶藥。所保在閑情。

答盧仝

楚屈入水死。詩孟踏雪僵。直氣苟有存。死亦何所

不過言冰奇  
險乃爾

妨。日劈高查牙。清稜含冰漿。前古後古冰。與山氣勢強。閃怪千石形。異狀安可量。有時春鏡破。百道聲飛揚。潛仙不足言。朗客無異腸。爲君傾海宇。日夕多文章。天下豈無緣。此山雪昂藏。煩君前致詞。哀我老更狂。狂歌不及狂。歌聲緣鳳皇。鳳兮何當來。消我孤直瘡。君文真鳳聲。宣隘滿鏗鏘。洛友零落盡。逮茲悲重傷。獨自奮異骨。將騎白<sup>一作玉</sup>角翔。再三勸莫行。寒氣有刀槍。仰慙君子多。慎勿作芬芳。



奉報翰林張舍人見遺之詩

百蟲笑秋律。清削月夜聞。曉稜視聽微。風翦葉已  
紛。君子鑒大雅。老人非俊羣。收拾古所棄。俛仰補  
空文。孤韻恥春俗。餘響逸零雰。自然蹈終南。滌暑  
凌寒氛。巖霰不知午。礪澌鎮含曛。曾是醒沽醉。所  
以多隱淪。江調樂之遠。溪謠生徒新。衆蘊有餘採。  
寒泉空哀呻。南謝竟莫至。北宋當時珍。願靈各自  
異。酌酒誰能均。昔詠多寫諷。今詞詎無因。品松何

酌  
李  
佳

高翠。宮殿沒荒榛。苔趾識宏製。沙溲游崩津。忽吟  
陶淵明。此卽羲皇人。心放出天地。形拘在風塵。前  
賢素行階。夙嗜青山勤。達士立明鏡。朗言爲近臣。  
將期律萬有。頃倒甄無垠。鸞鷲應蟋蟀。絲毫意皆  
申。况於三千章。哀叩不爲神。

送別上

送從弟郢東歸

爾去東南夜。我無西北夢。誰言貧別易。貧別愁更

起  
意  
便  
別



重曉色奪明月。征人逐羣動。秋風楚濤高。旅榜將誰共。

山中送從叔赴舉

石根百尺杉。山根一片泉。一作停倚之道氣高。飲之詩思鮮。於此逍遙場。忽奏別離絃。却笑薜蘿子。不同鳴躍年。

送別崔寅亮下第

天地唯一氣。用之自偏頗。憂人成苦吟。達士爲高

千古同恨

歌。君子識不淺。桂枝憂更多。歲晏期攀折。時歸且婆娑。素質如削玉。一作荆清詞若傾河。虬龍未化時。魚鱉同一波。去矣當自適。故鄉饒薜蘿。

大梁送柳淳先入關

青山輾爲塵。白日無閑人。自古推高車。爭利西入秦。王門與侯門。待富不待貧。一作費空攜一束書。去去誰相親。一作誰

如此起又怪

送無懷道士遊富春山水

一作送別吳通士歸山



造字不新不  
已

造化絕高處。富春獨多觀。一作的礫山濃翠滴瀝。水折珠摧。  
殘溪鏡不隱。髮樹衣常遇寒。一作禦風猿虛空飛。月狃叫  
嘯酸。信此神僊路。豈為時俗安。一作芙蓉水煮金陰陽火。囚怪  
星宿壇。花發我未識。一作或玉生忽藂攢。蓬萊浮蕩漾。非  
道相從難。

送温初下第

日落濁水中。夜光誰能分。高懷無近趣。清抱多遠  
聞。欲識丈夫志。心藏孤岳雲。長安風塵別。咫尺不

見君。

送盧虔端公守復州

師曠聽羣木。自然識孤桐。一作上正聲逢知音。願出大朴  
中。知音不韻俗。獨立占古風。忽挂觸邪冠。逮逐南  
飛鴻。肅肅太守章。明明華轂熊。商山無平路。楚水  
有驚深。日月千里外。光陰難載同。新愁徒自積。良  
會何由通。

送任齊二秀才自洞庭遊宣城

任載齊古  
并序



文章者。賢人之心氣也。心氣樂。則文章正。心氣非。則文章不正。當正而不正者。心氣之僞也。賢與僞見於文章。一直之詞。衰代多禍。賢無曲詞。文章之曲直。不由於心氣。心氣之悲樂。亦不由賢人。由於時故。今宣州多君子。閑暇而寬。文章之曲直。纖微悉而備舉。洞庭二客。勉而客去之。鼓其風波之詞。吾知夫樂莫是行也。遂爲詩曰。

是洞庭圖

洞庭非人境。道路行虛空。二客月中下。一帆天外風。魚龍波五色。金碧樹千叢。閃怪如可懼。在誠無不通。扣音知浩淼。採異訪穹崇。物表卽高韻。人間訪仙公。宣城文雅地。謝守聲問融。證玉易爲力。辨珉誰不同。從茲阮籍淚。且免泣途窮。

送曉公歸庭山

一作楷亭

一作楷亭

庭山何崎嶇。寺路緣翠微。秋霽山盡出。日落人獨歸。雲生高高步。泉洒田田衣。枯巢無還羽。新木有

清景清句似  
摩詰



爭飛茲焉不可繼。夢寐空清輝。

送豆盧策歸別墅

宜作始既高  
安有不栖

短松鶴不巢。高石雲不栖。一作始君今瀟湘去。一作性意與雲鶴

齊力買竒險地。手開清淺溪。身披薜荔衣。山陟莓

苔梯。一卷冰雪文。避俗常自攜。

送清遠上人歸楚山舊寺

一作國清上人遊蘄

波中出吳境。霞際登楚岑。山寺一別來。雲蘿三改

陰。詩誇碧雲句。道證青蓮心。一作憐憐應笑泛萍者。不知松

隱深。

山中送從叔簡

古  
在  
以  
貞  
搽  
自  
擬  
以  
礪

莫以手中瓊。言邀世上名。莫以山中迹。久向人間  
行。松栢有霜操。風泉無俗聲。應憐枯朽質。驚此別  
離情。

送蕭鍊師入四明山

閑於獨鶴心。大於高松年。迥出萬人表。高棲四明  
巔。千尋直裂峯。百尺倒瀉泉。絳雪為我飯。白雲為



我田。靜言不語俗。一作話靈蹤時步天。

孟東野詩集卷七終

國家圖書館, NATIONAL CENTRAL LIBRARY, TAIWAN, R.O.C.



孟東野目錄卷八

送別下

感別送從叔校書簡再登科東歸

送玄亮師

送李尊師玄

同晝上人送邵秀才江南尋兄弟

春日同韋郎中使君送鄒儒立少府扶侍赴

雲陽



送從叔校書簡南歸

送韓愈從軍

送李翱習之

送丹霞子阮芳顏上人歸山

送從舅端適楚地

送盧汀侍御歸天德幕

送草書獻上人歸廬山

和薛先輩送獨孤秀才上都赴嘉會得青字

送崔爽之湖南

送超上人歸天台

同李益崔放送王鍊師還樓觀兼爲羣公先

營山居

張徐州席送岑秀才

送黃構擢第後歸江南

送道士

送孟寂赴舉



同溧陽宰送孫秀才

溧陽唐興寺觀薔薇花同諸公餞陳明府

送柳涪

送殷秀才南遊

送青陽上人遊越

奉同朝賢送新羅使

留弟郢不得送之江南

送陸暢歸湖州因憑題故人皎然塔陸羽墳

送淡公十二首

送魏端公入朝

送盧郎中汀

送鄭僕射出節山南

別妻家

贈姚怱別

贈竟陵盧使君虔別

與韓愈李翱張籍話別



監察十五叔東齋招李益端公會別

· 汴州別韓愈

贈別殷山人說易後歸幽墅

壽安西渡奉別鄭相公二首

孟東野詩集卷八

唐 武康孟郊 撰

宋 天台國材 評

送別下

感別送從叔校書簡再登科東歸

長安車馬道。高槐一作柳結浮陰。下有名利人。一人千萬

心。黃鵠多遠勢。滄溟無近潯。怡怡靜退姿。冷冷思

歸吟。菱唱忽生聽。芸書廻望深。清風散言笑。餘花

孟東野卷八



綴衣襟。獨恨魚鳥別。一飛將一沉。

送玄亮師

蘭泉滌我襟。杉月棲我心。茗啜綠淨花。一作味經誦清柔音。何處笑爲別。淡情愁不侵。

送李尊師玄

口誦碧簡文。身是青霞君。頭冠兩片月。肩披一條雲。松骨輕自飛。鶴心高不羣。

同畫上人送鄒秀才江南尋兄弟

字法必造

地上春色生眼前。詩彩明。手携片寶月。言是高僧名。溪轉萬曲心。一作石水流千里聲。飛鳴向誰去。江鴻弟與兄

春日同韋郎中使君送鄒儒立少府扶持赴雲陽

離思着百草。絲絲生無窮。側聞畿甸秀。三振詞策雄。太守不韻俗。諸生皆變風。郡齋敞西清。楚瑟驚南鴻。海畔帝城望。雲陽天色中。酒酣正芳景。詩綴



新碧叢。服綵老萊並。侍車江革同。過隋柳鷓頰。入  
洛花蒙籠。高步詎留足。前程在層空。獨慙病鶴羽。  
飛送力難崇。

送從叔校書簡南歸

一作東游

長安別離道。宛在東城隅。寒草根未死。愁人心已  
枯。促促水上景。遥遥天際途。生隨昏曉中。皆被日  
月驅。一作驛遠北騎達山岳。南帆指江湖。高蹤一超越。千里  
在須臾。

送韓愈從軍

志士感恩起。變衣非變性。親賓改舊觀。僮僕生新  
敬。坐作羣書吟。行爲孤劍詠。始知出處心。不失平  
生正。淒淒天地秋。凜凜軍馬令。驛塵時一飛。物色  
極四靜。王師既不戰。廟畧在無競。王粲有所依。元  
瑜初應命。一章喻檄明。百萬心氣定。今朝旗鼓前。  
笑別丈夫盛。

同弟郎中使君河南裴文學



河南有歸客。江風繞行襟。送君無塵聽。舞鶴清瑟音。  
一作長菱蔓綴楚棹。日華正嵩岑。如何謝文學。還起會雲吟。

### 送李翺習之

習之勢翩翩。東南去遙遙。一作寄贈君雙履足。一爲上臯橋。  
臯橋路透迤。碧水清風飄。新秋折藕花。應對吳語嬌。  
千巷分淥波。四門生早潮。湖榜輕裊裊。酒旗高寥寥。  
小時屐齒痕。有處應未銷。舊憶如霧星。恍

見於夢消。言之燒人心。事去不可招。獨孤宅前曲。  
篁篔醉中謠。壯年俱悠悠。逮茲各焦焦。執手復執手。  
唯道無枯凋。

### 送丹霞子阮芳顏上人歸山

松色不肯秋。玉性不可柔。登山須正路。飲水須直流。  
倩鶴附書信。索雲作衣裘。仙村莫道遠。枉策招交游。

### 送從舅端適楚地



語必款創獲

結得索

歸情似泛空。飄蕩楚波中。羽扇掃輕汗。布帆篩細  
風。江花折菡萏。岸影泊梧桐。元舅唱離別。賤生愁  
不窮。

送盧汀侍御歸天德幕

仲宣領騎射。結束皆少年。匹馬黃河岸。射雕清霜  
天。旌旗防日北。道路上雲巔。古雪無銷鑠。新冰有  
堆填。清溪徒聳誚。白壁自招賢。豈比重思者。閉門  
方獨全。

送草書獻上人歸廬山

狂僧不爲酒。狂筆自通天。將書雲霞片。直至清明  
巔。手中飛黑電。象外瀉玄泉。萬物隨指顧。三光爲  
迴旋。聚書雲霧霽。洗硯山晴鮮。忽怒畫虵虺。噴然  
生風煙。江人願停筆。驚浪恐傾船。

和薛先輩送獨孤秀才上都赴嘉會得青字

秦雲攀窈窕。楚桂搴芳馨。五色豈徒爾。萬枝皆有  
靈。仙謠天上貴。林詠雪中青。持此一爲贈。送君翔

不必有之事  
妙于贊



杳冥。

送崔爽之湖南

江與湖相通。二水洗高空。定知一日帆。使得千里風。雪唱與誰和。俗情多不通。何當逸翮縱。飛起泥沙中。

送超上人歸天台

天台山最高。動躡赤城霞。何以靜雙目。掃山除妄花。何以潔其性。瀘泉去泥沙。靈境物皆直。萬松無

有得語

一斜。月中見。心近雲外將。世賒山獸護。方丈山猿捧。袈裟遺身獨。得身笑我牽名華。

同李益崔放送王鍊師還樓觀兼爲羣公先

營山居

作千

十年白雲士。一卷紫芝書。來結崆峒侶。還期縹緲居。霞冠遺彩翠。月帔上空虛。寄謝泉根水。清泠閒有餘。

張徐州席送岑秀才

孟東野卷八



振振芝蘭步。昇自君子堂。泠泠松桂吟。生自楚客腸。鷙鳥無定棲。驚蓬在他鄉。去茲門館閒。卽彼道路長。雨餘山川淨。麥熟草木涼。楚淚滴章句。京塵深衣裳。贈君無餘它。久要不可忘。

送黃構擢第後歸江南

澹澹滄海氣。結成黃香才。幼齡思奮飛。弱冠遊靈臺。一鶚顧喬木。衆禽不敢猜。一驥騁長衢。衆獸不敢陪。遂得會風雨。感通如雲雷。至矣小宗伯。確乎

心不回。能令幽靜人。聲實喧九垓。却憶江南道。祖筵花裏開。春風不能別。別罷空徘徊。

送道士

千年山上行。山上無遺踪。一日人間游。六合人皆逢。自有意中侶。白寒徒相從。

送孟寂赴舉

烈士不憂身。爲君吟苦辛。男兒久失意。寶劍亦生塵。浮俗官是貴。君子道所珍。况是聖明主。豈乏證

狀仙家之寫  
如劉子謙然



玉臣濁水無白日。清流鑒蒼旻。賢愚皎然別。結交當有因。

同溧陽宰送孫秀才

廢瑟難爲絃。南風難爲歌。幽幽拙疾中。忽忽浮夢多。清韻始嘯侶。雅言相與和。訟閒每往招。祖送奈若何。牽苦強爲贈。邦邑光峩峩。

溧陽唐興寺觀薔薇花同諸公餞陳明府

忽驚紅琉璃。千艷萬艷開。佛火不燒物。淨香空徘徊。

無味

徊花下印文字。林間詠觴杯。羣臣餞宰官。此地車馬來。

送柳淳

青山臨黃河。下有長安道。世上名利人。相逢不知老。

送殷秀才南遊

詩句臨離袂。酒花薰別顏。水程千里外。岸泊幾宵間。風葉亂辭木。雪猿清叫山。南中多古事。詠遍始

古意世情二  
十字盡有

好別語

文在卷八



應還。

送青陽上人遊越

秋風吹白髮。微官自蕭索。江僧何用歎。溪縣饒寂寞。楚思物皆清。越山勝非薄。時看鏡中月。獨向衣上落。多謝入冥鴻。笑予在籠鶴。

奉同朝賢送新羅使

森森望遠國。一萍秋海中。恩傳日月外。夢在波濤東。浪興豁胸臆。泛舟程虛空。既茲吟仗信。亦以難

東野所請可  
見二字自目

私躬實怪賞不足。異解悅多叢。安危所繫重。征役誰能窮。彼俗媚文史。聖朝富才雄。送行數百首。各以鏗竒工。冗隸竊抽韻。孤屬思將同。

留弟郢不得送之江南

剛有下水船。白日留不得。老人獨自歸。苦淚滿眼黑。

送陸暢歸湖州因憑題故人皎然塔陸羽墳

渺渺雪寺前。白蘋多清風。昔游詩會滿。今游詩會



空孤吟玉淒惻。遠思景蒙籠。杼山塼塔禪。竟陵廣  
宵翁。饒彼草木聲。髣髴聞餘聰。因君寄數句。遍爲  
書其藁。追吟當時說。來者實不窮。江調難再得。京  
塵徒滿躬。送君溪鴛鴦。彩色雙飛東。東多高靜鄉。  
芳宅冬亦崇。手自擷甘旨。供養歡冲融。待我遂前  
心。收拾使有終。不然洛岸亭。歸死爲大同。

送淡公十二首

燕本冰雪骨。越淡蓮花風。五言雙寶刀。聯響高飛

鴻翰苑錢舍人詩韻鏗雷公。識本未識淡。仰詠嗟  
無窮。清恨生物表。朗玉傾夢中。常於冷竹坐。相語  
道意冲。嵩洛興不薄。稽江事難同。明年若不來。我  
作黃嵩翁。何以兀其心。爲君學虛空。

又

坐愛青草上。意含滄海濱。渺渺獨見水。悠悠不問  
人。鏡浪洗手綠。剡花入心春。雖然防外觸。無奈饒  
衣新。行當譯文字。慰此吟殷勤。



此詩三句不  
以爲詞語  
高如詞者指  
疑又與別  
題誤入耳

又

銅斗飲江酒。手拍銅斗歌。儂是拍浪兒。飲則拜浪  
婆。脚踏小船頭。獨速舞短簑。笑依漁陽操。空恃文  
章多。閒倚青竹竿。白日奈我何。

又

短簑不怕雨。白鷺相爭飛。短楫盡菰蒲。鬪作豪橫  
歸。笑伊水健兒。浪戰求光輝。不如竹枝弓。射鳥無  
是非。

又

射鳥復射鳥。鳥驚菰蒲頭。鴛鴦亦零落。彩色難相  
求。儂是清浪兒。每踏青浪游。笑伊鄉貢郎。踏土稱  
風流。如何非角翁。至死不累頭。

又

師得天文章。所以相知懷。數年伊雒同。一旦江湖  
乖。江湖有故莊。小女啼啾啾。我憂未相識。乳養難  
和諧。幸以片佛衣。誘之令看齋。齋中百福言。催促



西歸來

又

又言銅斗短  
雙似調前詩

伊洛氣味薄。江湖文章多。坐緣江湖岸。意識鮮明  
波。銅斗短。箠行。新章其奈何。茲焉激切句。非是等  
閒歌。製之附驛迴。勿使餘風訛。都城第一寺。昭成  
屹嵯峨。為師書廣壁。仰詠時經過。徘徊相思心。老  
淚雙滂沱。

又

是江南吳地

江南寺中邑。平地生勝山。開元吳語僧。律韻高且  
閒。妙樂溪岸平。桂榜復往還。樹石相鬪生。紅綠各  
異顏。風味我遙憶。新竒師獨攀。

又

是江南吳地

報恩兼報德。寺與山爭鮮。一作元橙橘金蓋檻。竹蕉綠凝  
禪。經童音韻細。風磬清冷翩。離腸繞師足。舊憶隨  
路延。不知幾千尺。至死方綿綿。

又

孟東野卷八



恨甚之語  
鄉在越鏡中。分明見歸心。鏡芳步步綠。鏡水日日深。異刹碧天上。古香清桂岑。朗約徒在昔。章句忽盈今。幸因西飛葉。書作東風吟。落我病枕上。慰此浮恨侵。

又

牽師袈裟別。師斷袈裟歸。問師何苦去。感泣言語稀。意恐被詩餓。欲任將底依。盧殷劉言史。餓死君已噫。不忍見別君。哭君他是非。

又

詩人苦爲詩。不如脫空飛。一生空噉氣。非諫復非譏。脫枯掛寒枝。棄如一唾微。一步一步乞。半片半片衣。倚詩爲活計。從古多無肥。詩飢老不怨。勞師淚霏霏。

送魏端公入朝

東洛尚淹翫。西京足芳研。大賓威儀肅。上客冠劍鮮。豈惟空戀闕。亦以將朝天。局促塵末吏。幽老病



中絃徒懷青雲價。忽至白髮年。何當補風教。爲薦  
三百篇。

送盧郎中汀

洛水春渡濶。別離心悠悠。一生空吟詩。不覺成白  
頭。向事每計較。與山實綢繆。太華天上開。其下車  
轍流。縣街無塵土。過客多淹留。坐飲孤驛酒。行思  
獨山遊。逸關嵐氣明。照渭空漪浮。玉珂擺新歡。聲  
與鸞鳳儔。朝謁大家事。唯余去無由。

送鄭僕射出節山南

一作鄭興元僕射

國老出爲將。紅旗入青山。再招門下生。結束餘病  
孱。自笑騎馬醜。強從驅馳間。顧顧磨天路。裊裊鏡  
下顏。文魄旣飛越。宦情唯等閑。羨他白面少。多是  
清朝班。惜命非所報。慎行誠獨艱。悠悠去住心。兩  
說何能刪。

別妻家

芙蓉濕曉露。秋別南浦中。鴛鴦卷新贈。遙戀東牀



空碧水不息浪清溪易生風參差坐成阻飄飄去  
無窮孤雲目雖斷明月心相通私情詎銷鑠積芳  
在春藂

贈姚怱別

美人廢琴瑟不是無巧彈聞君郢中唱始覺知音  
難驚蓬無還根馳水多分瀾倦客厭出門疲馬思  
解鞍何以寫此心贈君握中丹

贈竟陵盧使君虔別

赤日千里火火中行子心孰不苦焦灼所行爲貧  
侵山木豈無涼猛獸蹲清陰歸人憶平坦別路多  
嶮嶽賴得竟陵守時聞建安吟贈別折楚芳一作芳色  
搖衣襟

與韓愈李翱張籍話別

朱絃奏離別華燈少光輝物色豈知異人心故將  
違客程殊未已歲華忽然微秋桐故葉下寒露新  
鴈飛遠遊起重恨送人念先歸夜集類飢鳥晨光



失相依。馬跡遶川水。一作妻法守鴈書還閨闈。常恐親朋阻。獨行知慮非。

監察十五叔東齋招李益端公會別

欲知惜別離。瀉水還清池。此地有君子。芳蘭步歲  
蕤。一作撥手掇雜英珮。一作彩意搖春夜思。一作勞莫作遶山雲。循環無  
定期。

汴州別韓愈

不飲濁水瀾。空滯此汴河。坐見遶岸冰。一作冰盡爲還海

波。四時不在家。弊服斷線多。遠客獨顛顛。春英落  
婆娑。汴水饒曲流。野桑無直柯。但爲君子心。一作飲之歎息  
終匪他。

贈別殷山人說易後歸幽墅

夫子說天地。若與靈龜言。幽幽人不知。一一予所  
敦。秋月吐白夜。涼風韻清源。旁通忽已遠。神感寂  
不喧。一悟祛萬結。夕懷傾朝煩。旅輶無停波。別馬  
嘶去轅。殷勤荒草土。會有知已論。



壽安西渡奉別鄭相公二首

洛河向西道。石波橫磷磷。清風送君子。車遠無還塵。春別亦蕭索。况兹冰霜晨。零落景易入。鬱抑抱難申。百宵華燈宴。一旦星散人。歲去絃吐箭。憂來蠶抽綸。綿綿無窮事。各各馳遶身。徘徊送縹緲。倏忽春霜賓。相爲物表物。永謝區中姻。日嗟來教士。仰望無由親。

東都清風減。君子西歸朝。獨抱歲晏恨。泗吟不成

謠。貴遊意多味。賤別情易消。迴鴈憶前叫。浪鳧念後漂。悠悠孤飛景。聳聳御霜條。昧趣多滯澀。懶朋寡新僚。病深理方晤。悔至心自燒。寂靜道何在。憂勤學空饒。乃知減聞見。始遂情逍遙。文字徒營織。聲華諒疑驕。顧慙耕稼士。朴畧氣韻調。善士有餘食。佳畦冬生苗。養人在養身。此旨清如韶。願貢高古言。敢望錫類招。



孟東野詩集卷八終

國家圖書館, NATIONAL CENTRAL LIBRARY, TAIWAN, R.O.C.





孟東野目錄卷九

詠物

宇文秀才齋中海柳詠

搖柳

曉鶴

和薔薇花歌

邀人賞薔薇

和宣州錢判官使院廳前石楠樹





酬鄭毗躑躅詠

品松

答李員外小榼味

井上枸杞架

蜘蛛諷

蚊

燭蛾

和錢侍郎甘露

雜題

和令狐侍郎部郎中題項羽廟

讀張碧集

聽琴

聞夜啼贈劉正元

喜雨

終南山下作

觀種樹



春後雨

答友人贈炭

爛柯石

尋言上人

噴玉布

姑蔑城

崢嶸嶺

尋裴處士

子慶詩

憩淮上勸公法堂

江邑春霖奉贈陳侍御

溧陽秋霽

列仙文

右方諸青童君

清虛真人

金母飛空安度明



夏日謁智遠禪師

訪嵩陽道士不遇

聽藍溪僧爲元居士說維摩經

借車

喜符郎詩有天縱

憑周況先輩於朝賢乞茶

上昭成閣不得於從姪僧悟空院嘆嗟

魏博田興尚書聽嬾命不立非夫人

讀經

謝李輶再到

忽不貧喜盧仝書船歸洛



孟東野詩集卷九

詠物

宇文秀才齋中海柳詠

唐 武康孟郊 撰  
宋 天台國材 評

玉縷青葢。結為芳樹姿。忽驚明月鈎。鈎出珊瑚  
枝。灼灼不死花。蒙蒙長生絲。飲栢况仙味。詠蘭擬  
古詞。霜風清颼颼。與君長相思。

孟東野卷九

國家圖書館, NATIONAL CENTRAL LIBRARY, TAIWAN, R.O.C.



是搖非採

搖柳

一作採

弱弱本易驚。看看勢難定。因風似醉舞。盡日不能正。時邀詠花女。笑輟春粧鏡。

曉鶴

曉鶴彈古舌。婆羅門呌音。應吹天上律。不使塵中尋。虛空夢皆斷。歆啼安能禁。如開孤月口。似說明星心。既非人間韻。枉作人間禽。不如相將去。碧落窠巢深。

忽復近禪

和薔薇花歌

一作軋

仙機札札織鳳凰。花開七十有二行。天霞落地攢紅光。風枝嫋嫋時一颺。飛散葩馥遶空王。忽驚錦浪洗新色。又似宮娃逞粧飾。終當一使移花根。還比蒲桃天上植。

邀人賞薔薇

蜀色庶可比。楚叢亦應無。醉紅不自力。狂豔如索扶。麗藥惜未歸。宛枝長更紆。何人是花侯。詩老強

多以西字見  
奇



相呼。

和宣州錢判官使院廳前石楠樹

大朴旣一剖。衆材爭萬殊。懿茲南海華。來與北壤俱。生長如自惜。雪霜無凋渝。籠籠抱靈秀。簇簇抽芳膚。寒日吐再艷。頰子流細珠。鴛鴦花數重。翡翠葉四鋪。雨洗新粧色。一枝如一姝。聳異敷庭際。傾妍來坐隅。散彩飾几案。餘輝盈盤盂。高意因造化。常情逐榮枯。王公方寸中。陶植在須臾。養此奉君

子。賞覲日爲娛。始覺石楠詠。價傾賦兩都。崇頌庶可比。桂詞難以踰。因謝丘墟木。空採落泥塗。時來開佳姿。道去臥枯株。爭芳無由緣。受氣如鬱紆。抽肝在郢匠。嘆息何踟蹰。

酬鄭毗躑躅詠

不似人手致。豈關地勢偏。孤光裊餘翠。獨影舞多妍。迸火燒閒地。紅星墮青天。忽驚物表物。嘉客爲留連。



品松

追悲謝靈運。不得殊常封。縱然孔與顏。亦莫及此松。此松天格高。聳異千萬重。抓拏巨靈手。劈裂少室峯。擘裂風雨獰。抓拏指爪臙。道入難抱心。學生易墮蹤。時時數點仙。嫋嫋一線龍。霏微嵐浪際。遊戲顥興濃。品松徒高高。雌鳴詎<sup>一作語</sup>噶噶。賞異尚可貴。賞潛誰能容。名華非典實。翦棄徒纖茸。刻削大雅文。所以不敢慵。

答李員外小榼味

一拳芙蓉水。傾玉何泠泠。仙清夙已高。詩味今更馨。試啜月入骨。再銜愁盡醒。荷君道古誠。使我善飛翎。一作振

井上枸杞架

深鎖銀泉甃。高葉架雲空。不與凡木並。自將仙蓋同。影疎千點月。聲細萬條風。迸子鄰溝外。飄香客位中。花杯承此飲。椿歲小無窮。

造而有韻頗  
近自然



有所指耶

蜘蛛諷

萬類皆有性。各各禀天和。蠶身與汝身。汝身何太  
訛。蠶身不為已。汝身不為它。蠶絲為衣裳。汝絲為  
網羅。濟物幾無功。害物日已多。百蟲雖切恨。其將  
奈爾何。

蚊

五月中夜息。飢蚊尚營營。但將膏血求。豈覺性命  
輕。顧已寧自愧。飲人以偷生。願為天下嘔。一使夜

仁且恕

景清

燭蛾

燈前雙舞蛾。猷生何太切。想爾飛來心。惡明不惡  
滅。天若百尺高。應去掩明月。

和錢侍郎甘露

玄天何以言。瑞露青松繁。忽見垂書跡。還驚涌澧  
源。春枝晨嫋嫋。香味曉翻翻。子禮忽來獻。臣心固  
易敦。清風惜不動。薄霧肯蒙昏。嘉晝色更晶。仁慈

古  
造意刻而語



久乃存。一方難獨占。天下恐爭論。側聽飛中使。重  
榮華德門。從公樂萬壽。餘慶及兒孫。

雜題

和令狐侍郎部郎中題項羽廟

碧草凌古廟。清塵鎖秋牕。當時獨宰割。猛志誰能  
降。鼓氣雷作敵。劍光電為雙。新悲徒自起。舊恨空  
浮江。

讀張碧集

天寶太白歿六義已消歇。大哉國風本。喪而王澤  
竭。先生今復生。斯文信難缺。下筆證興亡。陳詞備  
風骨。高秋數奏琴。澄潭一輪月。誰作採詩官。忍之  
不揮發。

聽琴

飈飈微雨收。飜飜橡葉鳴。月沉亂峯西。寥落三四  
星。前溪忽調琴。隔林寒琤琤。聞彈正弄聲。不敢枕  
上聽。迴燭整頭簪。漱泉立中庭。定步履齒深。貌禪

便是聽琴夜  
色



目冥冥。微風吹衣襟。亦認宮徵聲。學道三十年。未免憂死生。聞彈一夜中。會盡天地情。

聞夜啼贈劉正元

一作方到

寄泣須寄黃河泉。此中怨聲流徹天。愁人獨有夜燈見。一紙鄉書淚滴穿。

喜雨

朝見一片雲。暮成千里雨。淒清濕高枝。散漫沾荒土。

終南山下作

溪于山居者

見此原野秀。始知造化偏。山村不假陰。流水自雨田。家家梯碧峯。門門鎖青煙。因思蛻骨人。化作飛桂仙。

觀種樹

種樹皆待春。春至難久留。君看朝夕花。誰免別離愁。心意已零落。種之仍未休。胡爲好奇者。無事自買憂。



是春雨

只如此二語  
自妙由身成  
直躬以為刻  
畫不知作何  
語

春後雨

昨夜一霎雨。天意疎羣物。何物最先知。虛亭草爭出。

答友人贈炭

青山白屋有仁人。贈炭價重雙烏銀。驅却坐上千重寒。燒出爐中一片春。吹霞弄日光不定。暖得曲身成直身。

爛柯石

仙界一日內。人間千載窮。雙碁未徧局。萬物皆為空。樵客返歸路。斧柯爛從風。唯餘石橋在。猶自凌一作有丹虹。一作虹

尋言上人

萬里莓苔地。不見驅馳蹤。唯開文字牕。時寫日月容。竹韻漫蕭屑。草花徒織茸。一作葉披霜入衆木。獨自識青松。

噴玉布



去塵咫尺步。山笑康樂巖。天開紫石屏。泉縷明月  
簾。仙凝刻削跡。靈綻雲霞織。悅開若有待。瞥見終  
無厭。俗玩詎能近。道嬉方可淹。踏着不死機。欲歸  
多浮嫌。古醉今忽醒。今求古仍潛。古今相共失。語  
默兩難恬。贈君噴玉布。一濯高漸漸。

姑蔑城

勁越既成土。強吳亦爲墟。皇風一已被。茲邑信平  
居。撫俗觀舊跡。行春布新書。興亡意何在。綿歎空

躊躕。

崢嶸嶺

疏鑿順高下。結構橫煙霞。坐嘯郡齋肅。玩竒石路  
斜。古樹浮綠氣。高門結朱華。始見崢嶸狀。仰止逾  
可嘉。

尋裴處士

涉水更登陸。所向皆清真。寒草不藏徑。靈峯知有  
人。悠哉鍊金客。獨與煙霞親。曾是欲輕舉。誰言空



隱淪。遠心寄白月。一作日華髮迴青春。對此欽勝事。胡爲勞我身。

子慶詩

王家事已奇。孟氏慶無涯。獻子還生子。義之又有之。鳳兮且莫歎。鯉也會聞詩。小小豫章甲。纖纖玉樹姿。人來唯仰乳。母抱未知慈。我欲揀其養。放麝者是誰。

憩淮上觀公法堂

動覺日月短。靜知時歲長。自悲道路人。暫宿空閑堂。孤燭讓清晝。紗巾斂輝光。高僧積素行。事外無剛強。我有巖下桂。願爲爐中香。不惜青翠姿。爲君揚芬芳。淮水色不污。汴流徒渾黃。且將琉璃意。淨綴芙蓉章。明日還獨行。羈愁來舊腸。

江邑春霖奉贈陳侍御

江上花木凍。雨中零落春。應由放忠直。在此成漂淪。嘉艷皆損污。好音難殷勤。天涯多遠恨。雪涕盈



芳辰坐哭青草上。臥吟幽水濱。興言念風俗。得意  
唯波鱗。枕席病流濕。簷楹若飛津。始知吳楚水。不  
及京洛塵。風浦蕩歸棹。泥波陷征輪。兩途日無遂。  
相贈唯沾巾。

溧陽秋霽

晚雨曉猶在。蕭寥激前階。星星滿衰鬢。耿耿入秋  
懷。舊識半零落。前心驟相乖。飽泉亦恐醉。惕宦肅  
如齋。上客處華池。下寮宅枯崖。叩高占生物。齟齬

回難諧。

列仙文

大霞霏晨暉。元氣無常形。玄轡飛霄外。八景乘高  
清。手把玉皇袂。攜我晨中生。玄庭自嘉會。金書折  
華名。賢女密所妍。相期洛水輶。

右方諸青童君

歛駕空清虛。徘徊西華館。瓊輪暨晨抄。虎騎逐煙  
散。惠風振丹旌。明燭朗八煥。解襟墉房內。神鈴鳴



璀璨。栢景若林柯。九絃空中彈。遺我積世憂。釋此千載歎。怡眇無極已。終夜復待旦。

清虛真人

駕我八景輿。歛然入玉清。龍羣拂霄上。虎旗攝朱兵。逍遙三絃際。萬流無暫停。哀此去留會。劫盡天地傾。當尋無中景。不死亦不生。體彼自然道。寂觀合大冥。南嶽挺直榦。玉英耀穎精。有任靡期事。無心自虛靈。嘉會絳河內。相與樂朱英。

金母飛空歌安度明

丹霞煥上清。八風古太和。迴我神膚輦。遂造嶺玉阿。咄嗟天地外。九圍皆我家。上採白日精。下欽黃月華。靈觀空無中。鵬路無間邪。顧見魏賢安。濁氣傷汝和。勤研玄中思。道成更相過。

夏日謁智遠禪師

吾師當幾祖。說法云無空。禪心三界外。宴坐天地中。院靜鬼神去。身與草木同。因知護王國。滿鉢盛



毒龍。抖擻塵埃衣。謁師見真宗。何必千萬劫。瞬息去樊籠。盛夏火為日。一堂十月風。不得為弟子。名姓掛儒宮。

訪嵩陽道士不遇

先生五兵遊。文焰藏金鼎。日下鶴過時。人間空落影。常言一粒藥。不墮生死境。何當列禦寇。去問仙人請。

聽藍溪僧為元居士說維摩經

古樹少枝葉。真僧亦相依。山木自曲直。道人無是非。手持維摩偈。心向居士歸。空景忽開霽。雪花猶在衣。洗然水溪晝。寒物生光輝。

借車

借車載家具。家具少於車。借者莫彈指。貧窮何足嗟。百年徒校走。萬事盡隨花。

喜符郎詩有天縱

念符不由級。屹得文章階。白玉抽一毫。綠珉已難

可想其貧



排。偷筆作文章。乞墨潛磨指。海鯨始生尾。試擺蓬  
壺渦。幸當禁止之。勿使恣狂懷。自悲無子嗟。喜妬  
雙喙喈。

憑周况先輩於朝賢乞茶

道意勿乏味。心緒病無惊。蒙茗玉花盡。越甌荷葉  
空。錦水有鮮色。蜀山饒芳藂。雲根纔翦綠。印縫已  
霏紅。曾向貴人得。最將詩叟同。幸爲乞寄來。救此  
病劣躬。

上昭成閣不得於從姪僧悟空院嘆嗟

欲上千級閣。問天三四言。未盡數十登。心目風浪  
翻。手手把驚魄。脚踏墜魂。却流至舊手。傍製猶  
欲奔。老病但自悲。古蠹木萬痕。老力安可誇。秋海  
萍一根。孤叟何所歸。晝眼如黃昏。常恐失好步。入  
彼市井門。結僧爲親情。策竹爲子孫。此誠徒切切。  
此意空存存。一寸地上語。高天何由聞。

魏博田興尚書聽嬾命不立非夫人詩

上閣便款問  
天地上便言  
天不問本無  
謂却款如此  
造語吊詭



君子耽古禮。如饒魚吞鈎。昨聞敬嫂言。掣心東北流。魏博田尚書。與禮相綢繆。善詞聞天下。一日一再周。

讀經

垂老抱佛脚。教妻讀黃經。經黃名小品。一紙千明星。曾讀大般若。細感盼響聽。當時把齋中。方寸抱萬靈。忽復入長安。蹴踏日月寧。老方却歸來。收拾可丁丁。拂拭塵几案。開函就孤亭。儒書難借索。僧

左佛右儒  
六

籤繞芳馨。驛驛不開手。鏗鏗聞異鈴。得善如焚香。去惡如脫腥。安得顏子耳。曾來如此聽。聽之何有言。德教貴有形。何言中國外。有國如海萍。海萍國教異。天聲各泠泠。安排未定時。心火競熒熒。將如庶幾者。聲盡形元冥。

謝李輅再到

等閑拜日晚。夫妻猶相瘡。况是賢人冤。何必哭飛揚。昨夜夢得劍。爲君藏中腸。會將當風烹。血染布



好題、勝于  
詩

衣裳勞君又叩門。詞句失尋常。我不忍出廳。血字  
濕土牆。血字耿不滅。我心懼惶惶。會有鏗鏘夫。見  
之目生光。生光非等閑。君其且安詳。

忽不貧喜盧仝書船歸洛

貧孟忽不貧。請問孟何如。盧仝歸洛船。崔嵬但載  
書。江潮清飜飜。淮潮碧徐徐。夜信爲朝信。朝信良  
卷舒。江淮君子水。相送仁有餘。我去官色彩。肩經  
入君廬。喃喃肩經郎。言語傾琪璫。琪璫鏗好詞。烏


六奇

鵲躍庭除。書船平安歸。喜報鄉里間。我願拾遺柴。  
巢經於空虛。下免塵土侵。上爲雲霞居。日月更相  
鎖。道義分明儲。不願空岩堯。但願實工夫。實空二  
理微。分別相起予。經書荒蕪多。爲君勉勉鋤。勉勉  
不敢專。傳之方在諸。

孟東野詩集卷九

終





國家圖書館, NATIONAL CENTRAL LIBRARY, TAIWAN, R.O.C.



孟東野目錄卷十

哀傷

弔國殤

弔比干墓

弔元魯山十首

哭李觀

李少府廳弔李元賓遺字

悼吳興湯衡評事



哀孟雲卿嵩陽荒居

哭盧貞國

傷舊遊

弔房十五次卿少府

逢江南故書上人會中鄭方回

哭秘書包大監

悼幼子

悼亡

弔李元賓墳

覽崔爽遺文因杼幽懷

峽哀十首

杏殤九首

并序

弔江南老家人春梅

哭李丹員外并寄杜中丞

哭劉言史

弔盧殷十首



聯句

有所思聯句

遣興聯句

贈劍客李園聯句

讚

讚維摩詰

書

上常州盧使君書

又上養生書



孟東野詩集卷十

哀傷

弔國殤

徒言人最靈。白骨亂縱橫。如何當春死。不及羣草生。堯舜宰乾坤。器農不器兵。秦漢盜山岳。鑄殺不鑄耕。天地莫生金。生金人競爭。

唐 武康孟郊 撰  
宋 天台國材 評



本朝種瑞明  
遂用之為根  
到九原無曲  
處

### 弔比干墓

殷辛帝天下。馱為天下尊。乾剛既一斷。賢愚無一門。佞是福身本。忠是喪已源。餓虎不食子。人無骨肉恩。日影不入地。下埋冤死魂。有骨不為土。應作直木根。今來過此鄉。下馬弔此墳。靜念君臣間。有道誰敢論。

### 弔元魯山十首

搏鷲有餘飽。魯山長饑空。豪人飫鮮肥。魯山飯蒿

蓬。食名皆霸官。食力乃堯農。君子耻新態。魯山與古終。天璞本平一。人巧生異同。魯山不自剖。全璞竟沒躬。

自剖多是非。流濫將何歸。一作損立詭節。凌侮爭怪輝。五帝坐銷鑠。萬類隨衰微。以茲見魯山。道蹇無所依。

君子不自蹇。魯山蹇有因。苟含天地秀。皆是天地身。天地蹇既甚。魯山道莫伸。天地氣不足。魯山食



更貧。始知補元化。竟須得賢人。

賢人多自竊道理與俗乖。細功不敢言。遠韻方始諧。萬物飽爲飽。萬人懷爲懷。一聲苟失所。衆撼來相排。所以元魯山。饑衰難與偕。

遠階無近級。造次不可昇。賢人絜腸胃。寒日空澄凝。血誓竟訛謬。膏明易煎蒸。以之驅魯山。疎迹去莫乘。

言從魯山宦。盡化堯時心。豺虎耻狂噬。齒牙閉霜

一作對金競來闢田禾。相與耕嶽岑。當宵無關鑠。竟歲饒

歌吟。善教復天術。一作履美詞非俗箴。精微自然事。視聽不可尋。因書魯山績。庶合簫韶音。

簫韶太平樂。魯山不虛作。千古若有知。百年幸如昨。誰能嗣教化。以此洗浮薄。君臣貴深遇。天地有靈橐。力運旣艱難。德符方合漠。名位苟虛曠。聲明自銷鑠。禮法雖相救。貞濃易糟粕。哀哀元魯山。畢竟誰能度。



一作聖朝礼嘉士

當今富教化。元后得賢相。冰心鏡衰古。霜議清遐障。幽理盡洗洗。滯旅免流浪。唯餘魯山名。未獲旌廉讓。二三貞苦士。刷視聳危望。髮秋青山夜。目斷丹闕亮。誘類幸從茲。嘉招固非妄。小生奏狂狷。感惕增萬狀。

黃犢不知孝。魯山自駕車。非賢不可妻。魯山竟無家。供養耻它力。言詞豈纖瑕。將謠魯山德。曠海誰能涯。

每有此等新字

遺嬰盡鵲乳。何況骨肉枝。心腸結苦誠。胸臆垂甘滋。事已出古表。誰言獨今奇。賢人無萬物。愷悌流前詩。

### 哭李觀

志士不得老。多爲直氣傷。阮公終日哭。壽命固難長。顏子旣殂謝。孔門無輝光。文星落奇曜。寶劍摧脩銘。常作金應石。忽爲宮別商。爲爾弔琴瑟。斷絃難再張。偏轂不可轉。隻翼不可翔。清塵無吹噓。委



此與吊魯山者別彼只頌魯山耳此却有臭味在

地難飛揚。此義古所重。此風今已亡。自聞喪元賓。一日入九狂。沉痛此丈夫。驚呼彼穹蒼。我有出俗韻。勞君疾惡腸。知音既已矣。一作善微言誰能彰。旅葬無高墳。栽松不成行。哀歌動寒日。贈淚沾晨霜。神理本宵宵。一作冥今來更茫茫。何以蕩悲懷。萬事付一觴。

李少府廳弔李元賓遺字

零落三四字。忽成千萬年。那知冥冥客。不有補亡篇。斜月弔空壁。旅人難獨眠。一生能幾時。百慮來

相煎。戚戚故交淚。幽幽長夜泉。已矣難重言。一言

一潸然。

元賓題少府廳云宿從叔宅有感有其義而無其辭

悼吳興湯衡評事

一作在君生雪水清。君歿雪水清。空令骨肉情。哭得白日昏。大夜不復曉。古松長閉門。琴絃綠水絕。詩句青山存。昔為芳春顏。今為荒草根。獨問冥冥理。先儒未曾言。

哀孟雲卿嵩陽荒居

劉云語不盡白又高調之不可解者



又似陶

戚戚抱幽獨。晏晏沉荒居。不聞新歡笑。但覩舊詩書。藝蘗意彌苦。耕山食無餘。定交昔何在。至戚今或疎。薄俗易銷歇。淳風難久舒。秋蕪上空堂。寒槿落枯渠。雉草恐傷蕙。攝衣自理鋤。殘芳亦可餌。遺秀誰忍除。徘徊未能去。爲爾涕漣如。

哭盧貞國

一別難與期。存亡易寒燠。下馬入君門。聲悲不成哭。自能富才藝。當冀深榮祿。皇天負我賢。遺恨至

兩目。平生嘆無子。家事親相囑。

傷舊遊

去春會處今春歸。花數不減人數稀。朝笑片時暮成泣。東風一向還西輝。

弔房十五次卿少府

日高方得起。獨賞此些春。可惜宛轉鷺。好音與它人。昔年此氣味。還走曲江濱。逢着韓退之。結交方殷勤。蜀客骨目高。聰辯劒戟新。如何昨日歡。今日



見無因。英奇一謝世。視聽一爲塵。誰言老淚短。淚  
作是沾  
短沾衣巾。

逢江南故畫上人會中鄭方回

上人往年手  
札五十篇相

贈云以爲  
他日之念

相逢失意中。萬感因語至。追思東林日。掩抑北邙  
淚。筐筭有遺文。江山舊清氣。塵生逍遙注。墨故飛  
動字。荒毀碧澗居。虛無青松位。珠沉百泉暗。月死  
羣象閉。永詠平生言。知音豈容易。

哭祕書包大監

哲人卧病日。賤子泣玉年。常恐寶鏡破。明月難再  
圓。文字未改素。聲容忽歸玄。始知知音稀。千載一  
絕絃。舊館有遺琴。清風那復傳。

悼幼子

一閉黃蒿門。不聞白日事。生氣散成風。枯骸化爲  
地。負我十年恩。欠爾千行淚。洒之北原上。不待秋  
風至。



送是萬里菲  
露

哀輓語至此  
盡情

### 悼亡

山頭明月夜。增輝不照重泉下。泉下雙龍無再期。  
金蠶玉鷲空銷化。朝雲暮雨成古墟。蕭蕭野竹風  
吹亞。

### 弔李元賓墳

曉上荒涼原。弔彼冥冥魂。眼咽此時淚。耳悽在日  
言。寂寂千萬年。墳鎖孤松根。

覽崔爽遺文因杼幽懷

崔君沒于南方

墮淚數首文。悲結千里墳。蒼旻且留我。白日空遺  
君。仙鶴未巢月。衰鳳先墜雲。清風獨起時。舊語如  
再聞。瑤艸罷葳蕤。桂花休氛氲。萬物與我心。相感  
吳江濱。

### 峽哀十首

昔多相與笑。今誰相與哀。峽哀哭幽魂。一作夢嗷嗷風吹  
來。墮魄抱空月。出沒難自裁。壑粉一閃間。春濤百  
丈雷。作尺峽水聲不平。碧池牽清洄。沙稜箭箭急。波齒



斷斷開。呀彼無底兜。待此不測災。谷號相噴激。石  
 怒爭旋迴。古醉有復鄉。一作罪今縲多為能。字孤徒髣髴。  
 銜雪猶驚猜。薄俗少直腸。交結須橫財。黃金買相  
 弔。幽泣無餘漑。我有古心意。為君空摧頽。  
 上。天。下。天。水。出。地。入。地。舟。石。劍。相。劈。斫。石。波。怒。蛟  
 虬。花。木。疊。宿。春。風。颺。凝。古。秋。幽。怪。窟。穴。語。飛。聞。聆  
 響。流。沉。哀。日。已。深。衙。訴。將。何。求。  
 三峽一線天。三峽萬繩泉。上仄碎日月。一掣狂漪

漣。破魂一兩點。凝幽數百年。峽暉不停午。峽險多  
 饑涎。樹根鎖枯棺。孤骨裊裊懸。樹枝哭霜棲。哀韻  
 杳杳鮮。逐客零落腸。到此湯火煎。性命如紡績。道  
 路隨索緣。奠淚弔波靈。波靈將閃然。  
 峽亂鳴清磬。產石為鮮鱗。噴為腥雨涎。吹作黑井  
 身。怪光閃眾異。餓劍唯待人。老腸未曾飽。古齒齧  
 崑嶼。嚼齒三峽泉。三峽聲斷斷。  
 峽螭老解語。百丈潭底聞。毒波為計校。飲血養子



孫既非臯陶吏。空食沉獄魂。佳潛怪何幽幽。魄詭徒云云。峽聽哀哭泉。峽吊鰥寡猿。峽聲非人聲。劍水相劈翻。斯誰士諸謝。奉此沉苦言。

讒人峽虬心。渴罪呀然潄。所食無直腸。所語饒臬

音。石齒嚼百泉。石風號千琴。幽哀莫能遠。分雪何

由尋。月魄高卓卓。峽窟清沉沉。銜訴何時明。抱痛

已不禁。犀飛空。波濤裂石千嶽岑。

峽稜剗日月。日月多摧輝。物皆斜仄生。鳥亦斜仄

飛。潛石齒相鎖。沉魂招莫歸。恍惚清泉甲。斑爛碧石衣。餓嚙潺湲號。涎似泓沍肥。峽青不可遊。腥草生微微。

峽景滑易墮。峽花怪非春。紅光根潛涎。碧雨飛沃津。巴谷蛟螭心。巴鄉魍魎親。噉生不問賢。至死獨養身。腥語信者誰。拗歌歡非真。仄田無異稼。毒水多獰鱗。異類不可友。峽哀哀難伸。

峽水劒戟獰。峽舟霹靂翔。因依虺蜴手。起坐風雨



荆楚于遊  
有後意後語

忙。峽旅多窳官。峽氓多非良。滑心不可求。滑習積  
已長。漠漠涎霧起。斷斷涎水光。渴賢如之何。忽在  
水中央。

梟鴟作人語。蛟虬吸山波。能於白日間。詔欲晴風  
和。駭智蹶衆命。蘊腥布深蘿。齒泉無底貧。鋸涎在  
處多。仄樹鳥不巢。踔猿相過峽。哀不可聽。峽怨  
其奈何。

杏殤九首

并序

杏殤。花乳也。霜翦而落。因悲昔嬰。故作是  
詩。

凍手莫弄珠。弄珠珠易飛。驚霜莫翦春。翦春無光  
輝。零落小花乳。爛斑昔嬰衣。拾之不盈把。日暮空  
悲歸。

地上空拾星。枝上不見花。哀哀孤老人。戚戚無子  
家。豈若沒水鳧。不如拾巢鴉。浪殼破便飛。風鷁裊  
相誇。芳嬰不復生。向物空悲嗟。



應。是。一。線。淚。入。此。春。木。心。枝。枝。不。成。花。片。片。落。翦。金。春。壽。何。可。長。霜。哀。亦。已。深。常。時。洗。芳。泉。此。日。洗。淚。襟。

兒。生。月。不。明。兒。死。月。始。光。兒。月。兩。相。奪。兒。命。果。不。長。如。何。此。英。英。亦。為。弔。蒼。蒼。甘。為。墮。地。塵。不。為。末。世。芳。踏。地。恐。土。痛。損。彼。芳。樹。根。此。誠。天。不。知。翦。棄。我。子。孫。垂。枝。有。子。落。芳。命。無。一。存。誰。謂。生。人。家。春。色。不。

入門。

冽。冽。霜。殺。春。枝。枝。疑。織。刀。木。心。既。零。落。山。竅。空。呼。號。斑。斑。落。地。英。點。點。如。明。膏。始。知。天。地。間。萬。物。皆。不。牢。哭。此。不。成。春。淚。痕。三。四。班。失。芳。蝶。既。狂。失。子。老。亦。孱。且。無。生。生。力。自。有。死。死。顏。靈。鳳。不。銜。訴。誰。為。扣。天。關。

此兒自見災。花發多不諧。窮老收碎心。永夜抱破



窮老病史亦  
復

懷聲死更何言。意死不必嗒。病叟無子孫。獨立猶  
束柴。

霜似敗紅芳。翦啄十數雙。參差呻細風。噓啣沸淺

江。泣凝不可消。一作凝恨壯難自降。空遺舊日影。怨彼小

書牕。

弔江南老家人春梅

念爾筋力盡。違我衣食恩。奈何麤獷兒。生鞭見死

痕。舊使常以禮。一作禮新怨將誰吞。胡為乎泥中。一作上天消歇教

義源。

哭李丹員外并寄杜中丞

生死方知交態存。忍將齟齬報幽魂。十年同在平

原客。更遣何人哭寢門。

哭劉言史

詩人業孤峭。餓死良已多。相悲與相笑。累累其奈

何。精異劉言史。詩腸傾珠河。取次抱置之。一作為拋擲飛過東

溟波。可惜大國謠。廳為四夷歌。常於衆中會。顏色



兩切磋。今日果成死。葬襄之洛河。一作襄河岸遠相平。洒  
淚雙滂沱。

弔盧殷十首

詩人多清峭。餓死抱空山。白雲既無主。飛出意等閒。  
久病牀席尸。護喪童僕孱。故書窮鼠嚙。狼籍一室間。  
君歸新鬼鄉。我面古玉顏。一作玉羞見入地時。無人  
叫追攀。百泉空相弔。日久哀潺湲。

唧唧復唧唧。千古一月色。新新復新新。千古一花  
春。邙風噫孟郊。嵩秋葬盧殷。北邙前後客。相弔爲  
埃塵。北邙棘針草。淚根生苦辛。烟火不自煖。筋力  
早已貧。幽薦一盃泣。瀉之清洛濱。添爲斷腸聲。愁  
殺長別人。

棘針風相號。破碎諸苦哀。苦哀不可聞。掩耳亦入  
來。哭絃多煎聲。恨涕有餘摧。噫貧氣已焚。噫死心  
更灰。夢世浮閃閃。淚波深洄洄。薤歌一以去。蒿閉  
不復開。



磨一片二句  
三足三字節  
法折腰體

登封草木深。登封道路微。日月不與光。莓苔空生  
衣。可憐無子翁。蚍蜉緣病肌。攣臥歲時長。漣漣但  
幽噫。幽噫虎豹聞。此外相訪稀。至親唯有詩。抱心  
死有歸。河南韓先生。後君作因依。磨一片。欽巖書  
千古光輝。  
賢人無計校。生苦死徒誇。它名潤子孫。君名潤泥  
沙。可惜千首文。閃如一朝花。零落難苦言。起坐空  
驚嗟。

耳聞陋巷生。眼見魯山君。餓死始有名。餓名高氛  
氲。慙叟老壯氣。感之爲憂雲。所憂唯一泣。古今相  
紛紛。平生與君說。逮此俱云云。

初識漆鬢髮。爭爲新文章。夜踏明月橋。夜飲吾曹  
床。醉啜二盃釀。名郁一縣香。寺中摘梅花。園裏翦  
浮芳。高嗜綠蔬羹。意輕肥膩羊。吟哦無滓韻。言語  
多古腸。白首忽然至。盛年如偷將。清濁俱莫追。何  
須罵滄浪。



前賢多哭酒。哭酒免哭心。後賢試銜之。哀至無不深。少年哭酒時。白髮亦以侵。老年哭酒時。聲韻隨生沉。寄言哭酒賓。勿作登封音。登封徒放聲。天地竟難尋。

同人少相哭。異類多相號。始知禽獸癡。却至天然高。非子病無淚。非父念莫勞。如何裁親疎。用禮如用刀。孤喪鮮匍匐。閉哀抱鬱陶。煩他手中葬。誠信焉能褒。嗟嗟無子翁。死棄如脫毛。

聖人哭賢人。骨化氣爲星。文章飛上天。列宿增晶熒。前古文可數。今人文亦靈。高名稱謫仙。昇降曾莫停。有文死更香。無文生亦腥。爲君鏗好辭。永傳作謚寧。

聯句

有所思聯句

相思繞我心。日夕千萬重。年光坐晼晼。春淚銷顏容。郊臺鏡晦舊暉。庭草滋新茸。望夫山上石。別劍



水中龍愈

遣興聯句

我心隨月光。寫君庭中央。郊月光有時晦。我心安  
所忘。愈常恐金石契。斷為相思腸。郊平生無百歲。  
岐路有四方。愈四方各異俗。適意非所將。郊駑蹄  
顧挫秣。逸翮遺稻粱。愈時危抱獨沉。道泰懷同翔。  
郊獨居久寂默。相顧聊慨慷。慨慷丈夫志。可以耀  
鋒鋟。郊遽甯知卷舒。孔顏識行藏。愈朗鑒諒不遠。

佩蘭永芬芳。郊苟無夫子聽。誰使知音揚。愈

贈劍客李園聯句

天地有靈術。得之者唯君。郊築爐地區外。積火燒  
氛氲。愈照海鑠幽怪。滿空歆異氛。郊山磨電弈弈。  
水淬龍蝘蝘。愈太一裝以寶。列仙篆其文。郊可用  
懾百神。豈唯壯三軍。愈有時幽匣吟。忽似深潭聞。  
郊風胡久已死。此劍將誰分。愈行當獻天子。然後  
致殊勳。郊豈如豐城下。空有斗間雲。愈



讚

讚維摩詰

貌是古印。言是空音。在酒不飲。在色不淫。非獨僧禮。亦使儒欽。感此補亡。書謝懸金。

書

上常州盧使君書

道德仁義。天地之常也。將有人主張之乎。將無人主張之乎。曰。賢人君子。有其位。言之可以周天下

而行也。無其位。則周身言之可也。周身言之可。周天下言之不可也。仲尼當時無其位。言之亦不可。周天下而行也。及至著書載其言。則周萬古而行也。豈唯周天下而已哉。仲尼非獨載其言。周萬古而行也。前古聖賢得仲尼之道。則其言皆載之。周萬古而行。閣下道德仁義之言。已聞周天下誦之久矣。其後著書君子。亦當載以周萬古而行也。幸甚幸甚。道德仁義之言。天地至公之道也。君子著



書期不朽。亦天地至公之道。夫何讓哉。是故不以道德仁義事其君者。以盜賊事其君也。不以道德仁義之衣食養其親者。是盜賊養其親也。閣下既以道德仁義事其君。聞之天下久矣。小子顯求閣下道德仁義之衣食。以爲養也。謂之中庸之道。謂之中庸。則敢求也。謂之特達。則不敢求也。小子嘗衣食宣武軍司馬陸大夫道德仁義之矣。陸公旣沒。又嘗衣食此郡前守吏部侍郎韋公道德仁義

之矣。韋公旣去。衣食亦去。道德仁義顯其主張。謹載是書及舊文。又有子遇之書。同乎緘獻。輕重可否。傾一言陳謝。誠異於異日不宣。郊再拜。

又上養生書

天地與人。一其道也。天地不棄於人。人自棄於天。天可棄於人乎。曰。不可。人自棄也已。曰。人皆棄之乎。曰。賢人君子不棄也。凡人棄之可。天有殺物之心。而無棄物之心。天有棄物之心。則萬物莫能生



矣。是故君子之於萬物。皆不棄也。而况於身乎。棄其身。是棄其後也。棄其後。是棄其先也。故曰君子之道。豈易哉。敢不法天而行身乎。所以君子養其身。養其公也。小人養其身。養其私也。身以及家。家以及國。國以及天下。以公道養天下。則天下肥也。以私道養天下。則天下削也。養身之道。豈容易哉。養其公者。天道養也。養其私者。人情養也。以天道養其人。則合天矣。以人情養其人。則不合天矣。以

人情養其人。自棄矣。天道質也。人情文也。天道靜也。人情動也。質者生之侈也。靜者生之得也。動者生之棄也。文不以質勝之。則文爲棄矣。動不以靜制之。則動爲棄矣。天者水之謂也。人者魚之謂也。魚棄水。則螻蟻得之矣。人棄天。則疾病得之矣。魚可安於水。而不可翫於水。其失也。在乎恣波浪而不廻也。人可安於天。而不可翫於天。其失也。在乎恣嗜慾而不廻也。所謂安於天者。法天之味而食



之。食不違於四時也。法天之聽而聽之。聽不違於五節也。法天之明而視之。視不違於五色也。食與視聽苟違於天。則疾病得之矣。故曰君子法天而行身也。小人翫天而棄身也。書之座右。嵇康猶有所棄。秦之醫和。晉之杜蒯。其亦不書於右。則何以爲君子之座哉。良藥苦口也。苦口獲罪於人。苟或有矣。仁義之獲罪於天。未之有也。恩養下將遠辭。還書寫至誠之言。不勝惶悚之甚。不宣。郊再拜。終卷

余既刻劉涓溪所批諸家詩矣。已而思吾鄉孟東野其奇險可與長吉鬼恠對壘。且涓溪先生評詩為最廣。而唐諸選中亦時見有評其數首者。意必有其本。如諸家而無從見也。遍索之。偶獲一宗。雖本於武康故家。上有評點。以為必須溪無疑。及閱其序。則宗景定時天台國材成德以宰武康為梓行其集而評之者。國於時。無所表見。今世亦罕知之。宜其未必有當。乃字構句



以其雖黃處亦時時得三昧焉宗人不能詩而  
能言詩亦其偏有所至耶獨其刻鵠休文之品  
而崇尚東野謂其行吟溪曲泊無宦情然味其  
詩亦未免感時傷世幽憤過多如所謂空將淚  
見花等語與襄陽之孟純是曠達者局器大小  
固有別也余梓其詩以配長吉亦因附其評以  
佐湏溪之未備遂并言其所見如此

吳興凌濛初識

